

摘藻堂四庫全書薈要

史部

欽定四庫全書叢要

史部

宋史卷一百八十六至一百八十八

詳校官編修臣王天祿



欽定四庫全書薈要卷五千八百十四

史部

宋史卷一百八十六

元中書右丞相總裁托克托等修

食貨志第一百三十九

食貨下八

商稅均輸

市場互市舶法

商稅凡州縣皆置務關鎮亦或有之大則專置官監臨小則令佐兼領諸州仍令都監監押同掌行者齎貨謂之過稅每千錢算二十居者市鬻謂之住稅每千錢算

三十大約如此然無定制其名物各隨地宜而不一焉
行旅齋裝非有貨幣當算者無得發篋搜索凡販夫販
婦細碎交易嶺南商賈齋生藥及民間所織縑帛非鬻
於市者皆勿算常稅名物令有司件析頒行天下揭于
版置官署屋壁俾其遵守應算物貨而輒藏匿為官司
所捕獲沒其三分之一以半畀捕者販鬻而不由官路
者罪之有官須者十取其一謂之抽稅自唐室藩鎮多
便宜從事擅其征利以及五季諸國益務掊聚財貨以

自贍故征算尤繁宋興所下之國必詔蠲省屢勅官吏
毋事煩苛規羨餘以徼恩寵大中祥符六年始免諸路
州軍農器之稅諸州津渡舊皆有算或水涸改置橋梁
有司猶責主者備償建隆初詔除滄德棣淄齊鄆乾渡
三十九處算錢水漲聽民置渡勿收其算自是有類此
者多因恩宥蠲除其餘橘園魚池水碓社酒蓮藕鵝鴨
螺蚌柴薪地鋪枯牛骨溉田水利等名皆因諸國舊制
前後屢詔廢省緣河州縣民船載粟亦輸算三年始罷

陳州私置蔡河鎖民船勝百斛者取百錢有所載倍其
征太平興國三年乃悉除之至道元年詔江南溪渡多
公吏豪民典其事量輸官課而厚算行旅州縣宜加嚴
禁所輸年額錢五千以下者並免不係色役近使人戶
掌船濟渡毋得擾人至道中歲入稅課錢四百萬貫天
禧末增八百四萬貫天聖以來國用寔廣有請算緡錢
以助經費者仁宗曰貨泉之利欲流天下通有無何可
算也一日內出蜀羅一端為印朱所漬者數重因詔天

下稅務毋輒污壞商人物帛康定元年西邊兵費不給
州縣或增所算名物朝廷知之悉命蠲去既而下詔勅
勵且戒毋搜索行者家屬歲儉則免算耕牛水鄉又或
弛蒲魚果蔬之稅民流而渡河者亦為之免算應算而
匿不自言者雖聽人捕告抵罪如舊法然須物皆見在
乃聽以防誣罔至於歲課贏縮屢詔有司裁定前後以
詔蠲放者不可勝數皇祐中歲課緡錢七百八十六萬
三千九百嘉祐以後弛茶禁所歷州縣收算錢至治平

中歲課增六十餘萬而茶稅錢居四十九萬八千六百
熙寧以來河北河東陝西三路支移民以租賦齎貨至
邊貿易以輸官者勿稅河北流民復業者所過免算後
以歲稔慮逸稅課復舊五年以在京商稅院隸提舉市
易務七年減國門之稅數十種錢不滿三十者蠲之其
先外城二十門皆責以課息近令隨閑要分等以檢捕
獲失之數為賞罰既而以歲旱復有是命元豐元年濱
棣滄州竹木魚果炭箔稅不及百錢者蠲之二年熙河

路制置邊防財用李憲擅權本路商貨令漕臣蔣之奇劾其罪導洛通汴司請置堆棧場於泗州賈物至者先入官場官以船運至京稍輸船算明年詔近京以通津水門外順成倉為場非導洛司船而載商稅入汴者許糾告雖自請稅猶如私載法惟日用物非販易若廢箔柴草竹木之類勿禁瓊管奏海南收稅較船之丈尺謂之格納其法分三等有所較無幾而輸錢多寡十倍賈物自泉福兩浙湖廣至者皆金銀物帛直或至萬餘緡

自高化至者唯米包瓦器牛畜之類直纔百一而槩收以丈尺故高化商人不至海南遂乏牛米請自今用物貴賤多寡計稅官給文憑聽鬻於部內否則許糾告以船貨給賞詔如所奏六年京東漕臣吳居厚言商入負正稅七萬六千餘緡倍稅十五萬二千餘緡詔蠲其倍稅納正稅百千以下期以三年百千以上五年元祐元年戶部請令在京商稅院酌取元豐八年錢五十五萬二千二百六十一緡有奇以為新額自明年始三年又

以天聖歲課為額蓋戶部用五年併增之法立額既重
歲課不登故言者論而更之七年罷諸路承買土產稅
場初罷江南路承買而河東轉運司以為較元祐六年
官鹽額增三萬餘緡遂行之諸路八年權蠲商人載米
入京糶賣力勝之稅先是熙寧六年蘇湖歲稔穀價比
淮南十五而商船以力勝稅不至嘗命權蠲惠止一方
未為定法及汴泗梁場法行穀船毋得增置而力勝之
稅益三之一至是蘇軾言法不稅五穀請削去力勝錢

之條而行天聖免稅之制既而尚書省亦言在京穀貴
欲平其直復權蠲之後徽宗宣和中以州縣災傷并贍
給都下亦一再免旋復如舊惟兩浙并東北鹽以鹽事
司之請遂不復征自哲宗即位罷導洛物貨場紹聖四
年藍從熙提舉京城所欲復其事令泗州及京師洛口
各置梁場并請復麪市牛羊園詔下尚書省久之遂寢
至是提舉汴河隄岸王憲復言之且請假溫明州運船
給用命太府少卿鄭僅同詳度明年竟詔勿行五年令

戶部取天下稅務五年所收之數酌多寡為中制頒諸路揭版示之率十年一易其增名額及多稅者並論以違制大觀元年凡典買牛畜舟車之類未印契者更期以百日免倍稅二年詔在京諸門凡民衣屨穀菽雞魚蔬果柴炭瓦器之類並蠲其稅歲終計所蠲數令大觀庫給償宣和二年宮觀寺院臣僚之家商販令關津搜閱如元豐法輸稅歲終以次數報轉運司取旨初元符令品官供家服用物免稅至建中靖國初馬牛駝驢

騾已不入服用例而比年臣僚營私牟利者衆宮觀寺院多有專降免稅之旨皆以船艘賈販故有是詔漕臣劉旣濟起應奉物兩浙進南等路稅例外增一分以供費三年詔罷之凡以蠶織農具耕牛至兩浙江東者給文憑蠲稅一年四年令諸路近歲所增稅錢悉歸應奉司七年以歲歉之後用物少而民艱食在京及畿內油炭麴布絮稅并力勝錢並權免提舉京東常平揚連奏本路牛價貴田多荒萊請令販牛至本路者仍給文憑

蠲稅俟二年足如舊從之靖康元年詔都城物價未平
凡稅物權更蠲稅一年臣僚上言祖宗舊制并政和新
令場務立額之法並以五年增虧數較之併增者取中
數併虧者取最高數以為新額故課息易給而商旅可
通近諸路轉運司不循其法有益無損致物價騰踴官
課愈負請令諸路提刑下諸郡準舊法釐正立額詔依
所奏高宗建炎元年詔販貨上京者免稅明年又詔販
糧草入京抑稅者罪之凡殘破州縣免竹木磚瓦稅北

來歸正人及兩淮復業者亦免路稅紹興三年臨安火
免竹木稅然當時都邑未奠兵革未息四方之稅間有
增置及於江灣浦口量收海船稅凡官司回易亦並收
稅而寬弛之令亦錯見焉如諸路增置之稅場山間迂
僻之縣鎮經理未定之州郡悉罷而免之又以稅網太
密減併者一百三十四罷者九免過稅者五至於牛米
薪麪民間日用者並罷孝宗繼志凡高宗省罷之未盡
者悉推行之又以臨安府物價未平免淳熙七年稅一

半光寧以降亦屢與放免商稅或一年或五月或三月
凡遇火放免竹木之稅亦然光寧嗣服諸郡稅額皆累
有放免然當是時雖寬大之旨屢頒關市之征迭放而
貪吏並緣苛取百出私立稅場算及緡錢斗米束薪菜
茹之屬擅用稽察措置添置專攔收檢虛市有稅空舟
有稅以食米為酒米以衣服為布帛皆有稅遇士夫行
李則搜囊發篋目以興販甚者貧民貿易瑣細于村落
指為漏稅輒加以罪空身行旅亦白取百金方紆路避

之則攔截叫呼或有貨物則抽分給賞斷罪倍輸倒囊而歸矣聞者咨嗟指為大小法場與斯民相刃相劇不啻讐敵而其弊有不可勝言矣

市易之設本漢平準將以制物之低昂而均通之其弊也以官府作賈區公取牙儉之利而民不勝其煩矣熙寧三年保平軍節度推官王韶倡為緣邊市易之說丐假官錢為本詔秦鳳路經畧司以川交子易物貨給之因命韶為本路帥司幹當兼領市易事時欲移司於古

渭城李若愚等以為多聚貨以啓戎心又妨秦州小馬大馬私貿易不可文彥博曾公亮馮京皆避之韓絳亦以去秦州為非唯王安石曰古渭置市易利害臣雖不敢斷然如若愚奏必無可慮七月詔轉運司詳度復問陳升之升之謂古渭極邊恐啓羣羌覬覦心安石乃言今蕃戶富者往往蓄緡錢二三十萬彼尚不畏劫奪豈朝廷威靈乃至衰弱如此今欲連生羌則形勢欲張應接欲近古渭邊若便於應接商旅並集居者愈多因建

為軍增兵馬擇人守之則形勢張矣且蕃部得與官市
邊民無復逋負足以懷來其心因收其贏以助軍費更
闢荒土異日可以聚兵時王安石為政汲汲焉以財利
兵革為先其市易之說已見於熙寧二年建議立均輸
平準法之時故王韶首迎合其意而安石力主之雖以
李若愚陳升之韓絳諸人之議而卒不可回五年遂詔
出內帑錢帛置市易務于京師先是有魏繼宗者自稱
草澤上言京師百貨無常價貴賤相傾富能奪貧能與

乃可以為天下今富人大姓乘民之亟牟利數倍財既偏聚國用亦屈請假權貨務錢置常平市易司擇通財之官任其責求良賈為之轉易使審知市物之價賤則增價市之貴則損價鬻之因收餘息以給公上於是中書奏在京置市易務官凡貨之可市及滯於民而不售者平其價市之願以易官物者聽若欲市於官則度其抵而貸之錢責期使償半歲輸息十一及歲倍之凡諸司配率並仰給焉以呂嘉問為提舉賜內庫錢百萬緡

京東路錢八十七萬緡為本三司請立市易條有兼并之家較固取利有害新法本務覺察三司按治之文帝削去之七月以摧貨務為市易西務下界市易務為東務上界以在京商稅院雜買務雜賣場隸焉又賜錢帛五十萬于鎮洮軍置司市易極苛細道路怨謗者籍籍上以諭安石請宣示事實帝以鬻冰市梳撲等數事語之安石皆辯解後帝復言市易鬻果太煩碎罷之如何安石謂立法當論有害於人與否不當以煩碎廢也自

是諸州上供薦席黃蘆之類六十色悉令計直從民願
鬻者市之以給用六年詔在京市易幹當公事孫迪同
兩浙淮東轉運司議置杭州市市易務利病以聞其後以
市易上界所償內帑錢二十萬緡假之為本又賜夔州
路轉運司度僧牒五百置市易于黔州選本路在任已
替官監之仍以知州或通判提舉令在京市易務及開
封府司錄同詳度諸行利病於是詳定所請約諸行利
入薄厚輸免行錢以祿吏蠲其供官之物禁中所須並

下雜賣場雜賣務置市司估物價低昂凡內外官司欲
占物價悉於是乎取決從之改提舉在京市易務為都
提舉市易司諸州市易務皆隸焉又詔三司幹當公事
李杞等同詳度成都置市易務七年帝與輔臣論及成
都市易事馮京曰曩因權市物致王小波之亂今頗以
市易為言安石曰彼以饑民衆官不之恤相聚為盜耳
帝問李杞行邪安石曰未也然保市易必不能致亂帝
猶慮蜀人駭擾安石謂已遣使乃遽罷豈不為四方笑

乃已然其後竟罷杞等詳度三月詔權三司使曾布翰林學士呂惠卿同究詰市易事先是帝出手詔付布謂市易司市物頗害小民之業衆言喧譁布乃引監市易務魏繼宗之言以為呂嘉問多取息以干賞商旅所有者盡收市肆所無者必索率賤市貴鬻廣裒贏餘是挾官府為兼并也王安石具奏明其不然乃更令惠卿偕布究詰之帝尋復以手札賜布令求對布即上行人所訴并疏惠卿姦欺狀且言臣自立朝以來每聞德音未

嘗不欲以王道治天下今市易之為虐凜凜乎間架除陌之事矣嘉問奏近遣官往湖南販茶陝西販鹽兩浙販紗皆未敢計息臣以謂如此政事書之簡牘不獨唐虞三代所無歷觀秦漢以來衰亂之世恐未之有也四月布復陳薛向罪茶僧不當帝惻然咨嗟及言三司決責商人多濫時帝猶必欲按治而安石主用惠卿不可去蓋謀變其事也帝疑焉故仍以屬布既而中書奏事已帝論及市易且曰朝廷設此本欲為平準之法以便

民今正爾相反使中下之民失業若此宜脩補其法令
元詳定呂嘉問吳安持同韓維孫永問行人輸錢免行
利病參知政事馮京曰開封祥符縣給民錢有出息抵
當銀絹米麥緩急喪葬之目七八種其初給錢往往願
請積數既多實艱輸送帝曰如此吾民安得泰然也時
布與惠卿方究市易事率數日一對帝初是布言已而
從惠卿之請拘魏繼宗於開封府既而布與惠卿即東
府再詰行人所訴狀如前不變而安石懇求去位引惠

卿執政提舉楚州市易蔣之奇奏監務王景彰榷市商人物非法及虛作中糴八務立說名糴之白輸息錢謂之乾息又抑賈販毋得至他郡名為留難帝謂輔臣曰景彰違法害人宜即治其罪時呂惠卿已參朝政而究詰市易未竟詔促之惠卿請令中書悉取按牘異同以奏後二日布對延和殿條析先後所陳并較治平熙寧出入錢物數以聞帝方慮歲費寢廣令布送中書五月乃詔章惇曾孝寬即軍器監鞠布所究市易事又令戶

房會財賦數與布所陳異而呂嘉問亦以雜買務多八月息不覺皆從公坐有差未幾布褫職與嘉問俱出守郡魏繼宗仍奪秩勒停初市易之建布實預之後揣上意有疑遂急治嘉問而惠卿與布有夙怨故卒擠之而市易如故三司使章惇請假內藏錢五百萬緡令市易司有幹局者分四路入中計見鹽引及乘賤糴買詔假二百萬緡八年復呂嘉問提舉市易二月鳳翔大名真定府永興安肅軍秦瀛定越真州並置市易司以惠州

阜民監錢十萬緡給廣州市易務司農寺坊場錢三十萬緡給鄆州市易九年又以在京市易司物貨十五萬緡給熙河市易司九月中書言市易息錢并市例錢總收百三十三萬二千緡有奇詔嘉問安持等推恩有差自後凡二年一較十年定上界本錢以七百萬緡為額不足以歲所收息益之其貸內帑錢歲償以息二十萬緡元豐元年以都提舉王居卿請令貸市易錢貸者許用金帛等為抵收息毋過一分二釐不及年者月計之

願皆得錢或欲以物貨兼給者聽市易司請遣官以物
貨至諸路貿易十萬緡以上期以二年二十萬緡以上
三年歛及三分者比邇年推恩八分者理為任期盡不
及者勿賞官吏廩給並罷二年經制熙河路邊防財用
李憲言蕃賈與牙僧私市其貨皆由他路避稅入秦州
乃令秦熙河岷州通遠軍五市易務募牙僧引蕃貨赴
市易務中賈私市者許糾告賞倍所告之數以田宅抵
市易錢久不償者估實直如賣坊場河渡法若未輸錢

者官收其租息在京市易務亦如之三年詔免行月納錢不及百者皆免凡除八千六百五十四人九月王居卿又言市易法有三結保貸請一也契要金銀為抵二也買遷物貨三也三者惟保貸法行之久負失益多往歲罷貸錢而物貨如故請自今所貸歲約毋過二百萬緡聽舊戶貸請以相濟續非舊戶惟用抵當買遷之法詔中書立法以聞於是中書奏在京物貨許舊戶貸請歛而復散通所負毋過三百萬緡諸路毋過四之一詔

如所奏是歲經制熙河邊防財用司會其置司以來所
收息元豐初四十一萬四千六百二十六緡石次年六
十八萬四千九十九緡石四年從都提舉賈青請於新
舊城外內置四抵當遣官掌之罷市易上界等處抵當
以便民五年詔外內市易務所負錢寬以三歲均月限
以輸限內罰息並除之先是王安禮在開封日有負市
易錢者累訴於庭安禮既執政言於帝曰市易法行取
息滋多而輸官不時者有罰息民至窮困願詔蠲之帝

曰羣臣未有為朕言者其令民以限輸免其罰息安禮
退批詔加內外字蔡確曰方帝有旨無外內字公欲增
詔邪安禮曰亦不止加內字卒加之八月置饒州景德
鎮瓷窰博易務六年蘭州增置市易務以通蕃漢貿易
七年改市易下界為權貨務令諸州旬估物價既定報
提舉司提舉司下所部州州下所屬募民出抵或錢以
市收息毋過二分詔諸路常平司錢留其半以二分為
市易抵當蓋自五年賈青以平準物價與金銀之類行

抵當於畿縣次年行之諸路以常平市易賒貸及寬剩錢為本五路各十萬緡餘路五萬緡至是復有是詔若無抵當而物貨宜易者亦聽變鬻八年罷諸鎮若市易抵當八月詔諸郡抵當有取息簿可濟民乏者存之其餘抵當并州縣市易並罷元祐元年內外監督市易及坊場淨利錢許以所入息并罰錢比計若及官本者並釋之紹聖四年三省言熙寧興置市易元祐一切罷去不原立法之意詔戶部太府寺詳度復置市易務惟以

錢交市收息毋過二分勿令貸請元符三年改市易務為平準務戶部太府寺市易案改為平準案尚書省言平準務官吏等給費多并遣官市物搔動于外近官鬻石炭市直遽增皆不便民詔罷平準務及官鬻石炭其在官物貨令有司轉易錢鈔償元給之所崇寧元年戶部奏平準務錢物毋得他司移用二年以平準為南北兩務如舊分置官吏歲終考察能否行勸沮法五年郡縣應置市易者凡歲收息官吏用度之餘及千緡以上

置官監五百緡以上令場務兼領餘並罷先是嘗詔府界萬戶縣及路在衝要市易抵當已設官置局其不及萬戶非衝要并諸鎮有官監而商販所會並如元豐令監當官兼領至是戶部復詳度以聞遂行其議建炎二年言者以為得不償費遂罷之而以其錢輸左藏庫惟抵當庫仍舊紹興元年罷諸州軍免行錢及行戶供應見任官買賣並依時違者以盜論四年兩浙轉運司檄婺州市御爐炭須胡桃紋鵲鳩色守臣王居正以為言

上曰隆冬附火取溫暖而已豈問炭之紋色乎命罷之
諸類此者並禁止焉十三年蠲雷化高融宜廉邕欽賀
貴免行錢十四年以開州兩縣在夔部尤為僻遠減免
行錢之半十五年以知漢陽軍韓昕言諸路收免行錢
定數外多取一文以上以擅增稅賦法罪之十七年蠲
百姓見輸免行錢三分之一十九年南郊赦盡蠲百姓
免行錢先是後凡赦皆然二十五年罷見輸免行錢禁
下行買物以害及小商數於鄉村故也淳熙元年罷市

令司詔臨安府及屬縣交易僧保錢減十之五七年諸
路州縣交易僧保錢亦以十分為率與減五分嘉定二
年以臣僚言輦轂之下買物於鋪戶無從得錢凡臨安
府未支物價令即日盡數給還是後買物須給見錢違
許陳訴於臺嘉熙三年臣僚言今官司以官價買物行
鋪以時直計之什不得二三重以遷延歲月而不償胥
卒並緣之無藝積日既久類成白著至有遷居以避其
擾改業以逃其害者甚而蔬菜魚肉日用所需瑣瑣之

物販夫販婦所資錐刀以營斗升者亦皆以官價強取之終日營營而錢本俱成乾沒商旅不行衣食路絕望特降睿旨凡諸路州縣官司買物並以時直不許輒用官價違者以贓定罪從之

均輸之法所以通天下之貨制為輕重斂散之術使輸者既便而有無得以懋遷焉熙寧二年制置三司條例司言天下財用無餘典領之官拘於弊法內外不相知盈虛不相補諸路上供歲有常數豐年便道可以多致

而不能贏年儉物貴難於供億而不敢不足遠方有倍
蓰之輸中都有半價之鬻徒使富商大賈乘公私之急
以擅輕重斂散之權今發運使實總六路賦入其職以
制置茶鹽礬酒稅為事軍儲國用多所仰給宜假以錢
貨資其用度周知六路財賦之有無而移用之凡糴買
稅斂上供之物皆得從貴就賤用近易遠令預知中都
帑藏年支見在之定數所當供辦者得以從便變易蓄
買以待上令稍收輕重斂散之權歸之公上而制其有

無以便轉輸省勞費去重斂寬農民庶幾國用可足民財不匱詔本司具條例以聞而以發運使薛向領均輸平準事賜內藏錢五百萬緡上供米三百萬石時議慮其為擾多以為非向既董其事乃請設置官屬神宗使自擇之向於是辟劉忱衛琪孫珪張穆之陳倩為屬又請有司具六路歲當上供數中都歲用及見儲度可支歲月凡當計置幾何皆預降有司從之八月侍御史劉琦侍御史裏行錢顗等言向小人假以貨泉任其變易

縱有所入不免奪商賈之利琦額皆坐貶條例司檢詳
文字蘇轍言昔漢武外事兵戎內興宮室財用匱竭力
不能支用賈人桑宏羊之說買賤賣貴謂之均輸雖曰
民不加賦而國用饒足然法術不正吏緣為姦掊克日
深民受其病孝昭既立學者爭排其說霍光順民所欲
從而予之天下歸心遂以無事今此論復興衆口紛然
皆謂其患必甚於漢何者方今聚斂之臣材智方略未
見有桑弘羊比而朝廷破壞規矩解縱繩墨使得馳騁

自由唯利是嗜其害必有不可勝言者矣轍亦坐去官
於是知諫院范純仁言向儉巧刻薄不可為發運使人
主當務農桑節用不當言利自後罷純仁諫職而諫官
李常復論均輸不便權開封府推官蘇軾亦言均輸徒
貴就賤用近易遠然廣置官屬多出緡錢豪商大賈皆
疑而不敢動以為雖不明言販賣既已許之變易變易
既行而不與商賈爭利未之聞也夫商賈之事曲折難
行其買也先期而予錢其賣也後期而取直多方相濟

委曲相通倍稱之息由此而得今先設官置吏簿書廩
祿為費已厚非良不售非賄不行是官買之價比民必
貴及其賣也弊復如前商賈之利何緣而得朝廷不知
慮此乃捐五百萬緡錢予之此錢一出恐不可復縱使
其間薄有所獲而征商之額所損必多矣帝方惑於安
石之說言皆不行乃以向為天章閣待制遣太常少卿
羅拯為使手詔賜向曰政事之先理財為急朕托卿以
東南賦入皆得消息盈虛翕張斂散之而卿忠誠內固

能倡舉職業導揚朕意底于成績朕甚嘉之覽奏慮流
言致惑朕心匪石豈易轉也卿其濟之以彊終之以不
倦以稱朕意然均輸後迄不能成

互市舶法自漢初與南越通關市而互市之制行焉後
漢通交易於烏桓北單于鮮卑北魏立互市於南陲隋
唐通貿交於西北開元定令載其條目後唐亦然而高
麗回鶻黑水諸國又各以風土所產與中國交易宋初
循周制與江南通市乾德二年禁商旅毋得渡江於建

安漢陽蘄口置三榷署通其交易內外羣臣輒遣人往江浙販易者沒入其貨緣江百姓及煎鹽亭戶恣其樵漁所造屨席之類榷署給券聽渡江販易開寶三年徙建安榷署於揚州江南平榷署雖存止掌茶貨四年置市舶司于廣州後又於杭明州置司凡大食古邏閣婆占城勃泥麻逸三佛齊諸蕃並通貨易以金銀緡錢鉛錫雜色帛瓷器市香藥犀象珊瑚琥珀珠琲鑲鐵鼈皮瑇瑁瑪瑙車渠水精蕃布烏楠蘇木等物太宗時置榷

署于京師詔諸蕃香藥寶貨至廣州交趾兩浙泉州非
出官庫者無得私相貿易其後乃詔自今惟珠貝玳瑁
犀象鎮鐵鼈皮珊瑚瑪瑙乳香禁榷外他藥官市之餘
聽市於民雍熙中遣內侍八人齎勅書金帛分四路招
致海南諸蕃商人出海外蕃國販易者令並詣兩浙司
市舶司請給官券違者沒入其實貨淳熙二年詔廣州
市舶除榷貨外他貨之良者止市其半大抵海船至十
先征其一價直酌蕃貨輕重而差給之歲約獲五十餘

萬斤條株顆太平興國初私與蕃國人貿易者計直滿百錢以上論罪十五貫以上黥面流海島過此送闕下淳化五年申其禁至四貫以上徒一年稍加至二十貫以上黥面配本州為役兵天聖以來象犀珠玉香藥寶貨充牣府庫嘗斥其餘以易金帛芻粟縣官用度實有助焉而官市貨數視淳化則微有所損皇祐中總歲入象犀珠玉香藥之類其數五十三萬有餘至治平中又增十萬熙寧五年詔發運使薛向曰東南之利舶商居

其一比言者請置司泉州其舡法講求之七年令船舶
遇風至諸州界亟報所隸送近地船舶司權賦分買泉福
瀕海舟船未經賦買者仍赴司勘驗時廣州市舶虧歲
課二十萬緡或以為市易司擾之故海商不至令提舉
司究詰以聞既而市易務呂邈入船舶司闌取蕃商物詔
提舉司劾之九年集賢殿脩撰程師孟請罷杭明州市
舶諸舶皆隸廣州一司令師孟與三司詳議之是年杭
明廣三司市舶收錢糧銀香藥等五十四萬一百七十

三緡匹斤兩段條箇顆臍隻粒支二十三萬八千五十
六緡匹斤兩段條箇顆臍隻粒元豐二年賈人入高麗
貲及五千緡者明州籍其名歲責保給引發船無引者
如盜販法先是禁人私販然不能絕至是復通中國故
明立是法三年中書言廣州市舶已修定條約宜選官
推行詔廣東以轉運使孫迴廣西以陳倩兩浙以副使
周直孺福建以判官王子京罷廣東帥臣兼領五年廣
西漕臣吳潛言雷化州與瓊島對境而發船請引於廣

州舶司約五千里乞令廣西瀕海郡縣土著商人載米
穀牛酒黃魚及非舶司賦取之物免至廣州請引詔孫
迴詳度行之知密州范鶚言板橋瀕海東則二廣福建
淮浙西則京東河北河東三路商賈所聚海舶之利頗
於富家大姓宜即本州置市舶司板橋鎮置抽解務六
年詔都轉運使吳居厚條析以聞元祐三年鶚等復言
廣南福建淮浙賈人航海販物至京東河北河東等路
運載錢帛絲綿貿易而象犀乳香珍異之物雖嘗禁榷

未免欺隱若板橋市舶法行則海外諸物積於府庫者必倍於杭明二州使商舶通行無冒禁罹刑之患而上供之物免道路風水之虞乃置密州板橋市舶司而前一年亦增置市舶司於泉州賈人由海道往外蕃令以物貨名數并所詣之地報所在州召保毋得夾帶兵器或可造兵器及違禁之物官給以券擅乘船由海入界河及往高麗新羅登萊州境者罪以徒往北界者加等崇寧元年復置杭明市舶司官吏如舊額三年令蕃商

欲往他郡者從船司給券毋雜禁物姦人初廣南船司
言海外蕃商至廣州貿易聽其往還居止而大食諸國
商亦丐通入他州及京東販易故有是詔凡海舶欲至
福建兩浙販易者廣南船司給防船兵仗如詣諸國法
廣南船司鬻所市物貨取息毋過二分政和三年詔如
至道之法凡知州通判官吏并船司使臣等毋得市蕃
商香藥禁物宣和元年秀州開脩青龍江浦舶船輻輳
請復置監官先是政和中置務設官於華亭縣後江浦

湮塞蕃舶鮮至止令縣官兼掌至是復設官專領焉四年蕃國進奉物如元豐法令舶司即其地鬻之毋發至京師違者論罪契丹在太祖時雖聽緣邊市易而未有官署太平興國二年始令鎮易雄霸滄州各置權務輦香藥犀象及茶與交易後有范陽之師罷不與通雍熙三年禁河北商民與之貿易時累年興師千里饋糧居民疲乏太宗亦頗有厭兵之意端拱元年詔曰朕受命上穹居尊中土惟思禁暴豈欲窮兵至於幽薊之民皆

吾赤子宜許邊疆互相市易自今緣邊戍兵不得輒恣
侵略未幾復禁違者抵死北界商旅輒入內地販易所
在捕斬之淳化二年令雄霸州靜戎軍代州鴈門砦置
榷署如舊制所鬻物增蘇木尋復罷咸平五年契丹求
復置署朝議以其翻覆不許知雄州何承矩繼請乃聽
置於雄州六年罷景德初復通好請商賈即新城貿易
詔北商齎物貨至境上則許之二年令雄霸州安肅軍
置三榷場北商趨他路者勿與為市遣都官員外郎孔

揆等乘傳詣三榷場與轉運使劉綜并所在長吏平互
市物價稍優其直予之又於廣信軍置場皆廷臣專掌
通判兼領焉三年詔民以書籍赴沿邊榷場博易者非
九經書疏悉禁之凡官鬻物如舊而增繒帛漆器秔糯
所入者有銀錢布羊馬橐駝歲獲四十餘萬天聖中知
雄州張昭遠請歲會入中金錢仁宗曰先朝置互市以
通有無非以計利不許終仁宗英宗之世契丹固守盟
好互市不絕熙寧八年市易司請假奉宸庫象犀珠直

總二十萬緡於榷場貿易明年終償之詔許九年立與
化外人私貿易罪賞法河北四榷場自治平四年其貨
物專掌於三司之催轄司而度支賞給案判官置簿督
計之至是以私販者衆故有是命未幾又禁私市硫黃
焰硝及以盧甘石入他界者河東亦如之元豐元年復
申賣書北界告捕之法西夏自景德四年於保安軍置
榷場以繒帛羅綺易馳馬牛羊玉羶毯甘草以香藥瓷
漆器薑桂等物易蜜蠟麝臍毛褐獐羚角硃砂柴胡蓀

蓉紅花翎毛非官市者聽與民交易入貢至京者縱其
為市天聖中陝西榷場二并代路亦請置場和市許之
及元昊反即詔陝西河東絕其互市廢保安軍榷場後
又禁陝西並邊主兵官與屬羌交易久之元昊請臣數
遣使求復互市慶厯六年復為置場于保安鎮戎二軍
繼言驅馬羊至無放牧之地為徙保安軍榷場于順寧
砦既而蕃商卒無至者嘉祐初西人侵耕屈野河地知
并州龐籍謂非絕其互市則內侵不已且聞出元臧訛

龐之謀若互市不通其國必歸罪訛龐年歲間然後可與計議從之初第禁陝西四路私與西人貿易未幾乃悉絕之治平四年河東經略司言西界乞通和市自夏人攻慶州大順城詔罷歲賜嚴禁邊民無得私相貿易至是上章謝罪乃復許之後二年令涇原熟戶及河東陝西邊民勿與通市又二年因回使議立和市而私販不能止遂申詔諸路禁絕既而河東轉運司請罷吳堡於寧星和市如舊而麟州復奏夏人之請乃令嚮銅錫

以市馬而織縞與急須之物皆禁西北歲入馬事具兵
志楚蜀南粵之地與蠻獠溪峒相接者以及西州沿邊
羌戎皆聽與民通市熙寧三年王韶置市易司於秦鳳
路古渭砦六年增置市易於蘭州自後於熙河蘭湟慶
渭延等州又各置折博務湖北路及沅錦黔江口蜀之
黎雅州皆置博易場重和元年燕瑛言文人服順久毋
令阻其貿易初廣西帥曾布請即欽廉州各創驛令交
人就驛博買至是即用瑛兼廣西轉運副使同王蕃計

畫馬建炎四年三月宣撫使張浚奏大食國遣人進珠玉寶貝上曰大觀宣和間川茶不以博馬惟市珠玉故武備不脩遂致危弱如此今復捐數十萬緡易無用之物曷若惜財以養戰士乎諭張浚勿受量賜予以答之六月罷宜州歲市朱砂二萬兩紹興三年邕州守臣言大理請入貢上諭大臣止令賣馬不許其進貢四年詔川陝即永興軍威茂州置博易場移廣西買馬司于邕管歲捐金帛倍酬其直然言語不通一聽譯者高下其

手吏得因緣為姦六年大理國獻象及馬五百匹詔償其馬直却象勿受而賜書勞遣之十二年盱眙軍置榷場官監與北商博易淮西京西陝西榷場亦如之十九年罷國信所博易二十六年罷廉州貢珠散蜚丁蓋珠池之在廉州凡十餘接交趾者水深百尺而大珠生焉蜚往採之多為交人所取又為大魚所害至是罷之二十九年存盱眙軍榷場餘並罷乾道元年襄陽鄧城鎮壽春花靨鎮光州光山縣中渡市皆置榷場以守臣措

置通判提轄五年省提轄官淳熙二年臣僚言溪峒緣邊州縣置博易場官主之七年塞外諸戎販珠玉入黎州官常邀市之臣僚言其黷貨啟釁非便止合聽商賈百姓收買詔從之建炎元年詔市舶多以無用之物費國用自今有博買篤耨香環瑪瑙貓兒眼睛之類皆寘于法惟宣賜臣僚象笏犀帶選可者輸送回人謂三百斤為一婆蘭凡船舶最大者曰獨檣載一千婆蘭次者曰牛頭比獨檣得三之一又次曰木舶曰料河遮得三

之一隆興二年臣僚言熙寧初立市舶以通物貨舊法抽解有定數而取之不苛輸稅寬其期而使之待價懷遠之意實寓焉邇來抽解既多又迫使之輸致貨滯而價減擇其良者如犀角象齒十分抽二又博買四分珠十分抽一又博買六分舶戶懼抽買數多止買麝色雜貨若象齒珠犀比他貨至重乞十分抽一更不博買乾道二年罷兩浙路提舉以守倅及知縣監官共事轉運司提督之三年詔廣南兩浙市舶司所發舟還因風水

不便船破牆壞者即不得抽解七年詔見任官以錢附網首商旅過蕃買物者有罰舶至除抽解和買違法抑買者許蕃商越訴計贓罪之舊法細色網龍腦珠之類每一網五千兩其餘犀象紫礦乳檀香之類為麁色每一網一萬斤凡起一網遣衙前一名部送支脚乘贍家錢一百餘緡大觀以後張大其數象犀紫礦皆作細色起發以舊日一網分為三十二網多費脚乘贍家錢三千餘貫至于乾道七年詔廣南起發麁色香藥物貨每網

二萬斤加耗六百斤依舊支破水脚錢一千六百六十
二貫有奇淳熙二年戶部言福建廣南市舶司麈細物
貨並以五萬斤為一全網南渡三路舶司歲入固不少
然金銀銅鐵海舶飛運所失良多而銅錢之泄尤甚法
禁雖嚴姦巧愈密商人貪利而貿遷黠吏受賕而縱釋
其弊卒不可禁

宋史卷一百八十六

宋史卷一百八十六考證

食貨志下八古渭邊若便於應接○渭監本訛謂今改正

宋史卷一百八十六考證

欽定四庫全書薈要卷五千八百十五

史部

宋史卷一百八十七

元中書右丞相總裁托克托等修

兵志第一百四十

兵一 禁軍上

宋之兵制大槩有三天子之衛兵以守京師備征戍曰
禁軍諸州之鎮兵以分給役使曰廂軍選於戶籍或應
募使之團結訓練以為在所防守則曰鄉兵又有蕃兵

其法始於國初具籍塞下團結以為藩籬之兵其後分
隊伍給旗幟繕營堡備器械一律以鄉兵之制今因舊
史纂脩兵志特制于熙寧保甲之前而附之鄉兵焉其
軍政則有召募揀選廩給訓練屯戍遷補器甲馬政八
者之目條分而著之以見歷朝因革損益之不同而世
道之盛衰亦具是矣嗟乎三代遠矣秦漢而下得寓兵
於農之遺意者惟唐府衛為近之府衛變而召募因循
姑息至於藩鎮盛而唐以亡更歷五代亂亡相踵未有

不由於兵者太祖起我行有天下收四方勁兵列營京畿以備宿衛分番屯戍以捍邊圉于時將帥之臣入奉朝請獷暴之民收隸尺籍雖有桀驁恣肆而無所施於其間凡其制為什長之法階級之辨使之內外相維上下相制截然而不可犯者是雖以矯累朝藩鎮之弊而其所懲者深矣咸平以後承平既久武備漸寬仁宗之世西兵招刺太多將驕士惰徒耗國用憂世之士屢以為言竟莫之改神宗奮然更制於是聯比其民以為保

甲部分諸路以隸將兵雖不能盡拯其弊而亦足以作一時之氣時其所任者王安石也元祐紹聖遵守成憲迨崇寧大觀間增額日廣而乏精銳故無益於靖康之變時其所任者童貫也建炎南渡收潰卒招羣盜以開元帥府其初兵不滿萬用張韓劉岳為將而軍聲以振及秦檜主和議士氣遂沮孝宗有志興復而未能光寧以後募兵雖衆土宇日蹙況上無馭將之術而將有中制之嫌然沿邊諸壘尚能戮力効忠相與維持至百五

十年而後亡雖其祖宗深仁厚澤有以固結人心而制兵之有道綜理之周密於此亦可見矣

禁兵者天子之衛兵也殿前侍衛二司總之其最親近扈從者號諸班直其次總於御前忠佐軍頭司皇城驛驤院皆以守京師備征伐其在外者非屯駐屯泊則就糧軍也太祖鑒前代之失萃精銳於京師雖曰增損舊制而規撫宏遠矣建隆元年詔殿前侍衛二司各閱所掌兵揀其驍勇升為上軍老弱怯懦置剩員以處之詔

諸州長吏選所部兵送都下以補禁旅之闕又選強壯卒定為兵樣分送諸道其後代以木梃為高下之等散給諸州軍委長吏都監等召募教習俟其精練即送闕下二年改左右雄捷左右驍武軍並為驍捷左右備征為雲騎左右平遠為廣捷左右懷德為懷順四年賜河東樂平縣歸降卒元威以下二百六十六人衣服錢絹有差立為効順指揮乾德二年詔遼州降軍宜以効順懷恩為名三年四月詔改西川感化耀武等軍並為虎

捷九月上御講武殿閱諸道兵得萬餘人以騎兵為驍
雄步軍為雄武並隸侍衛司且命王繼勲主之給緡錢
俾娶妻繼勲縱之白日掠人妻女街使不能禁帝聞大
怒捕斬者百人小黃門閻承翰見而不奏亦杖數十開
寶七年泰寧軍節度使李從善部下及江南水軍凡千
三十九人並黥面隸籍以歸化歸聖為額太平興國二
年詔改簇御馬直曰簇御龍直鐵騎曰日騎龍捷曰龍
衛控鶴曰天武虎捷曰神衛骨朵子直曰御龍骨朵子

直寬衣控鶴曰寬衣天武雄威曰雄勇龍騎曰雄猛八年改濮州平海指揮為崇武雍熙四年改殿前司日騎鋸直指揮為捧日鋸直日騎改為捧日驍猛改為拱辰雄勇改為神勇上鐵林改為殿前司虎翼腰弩改為神射侍衛步軍司鐵林改為侍衛司虎翼至道元年帝閱禁兵有挽彊弩至一石五斗連二十發而有餘力者顧謂左右曰今宇內阜安材武間出弧矢之妙亦近代罕有也又令騎步兵各數百東西列陣挽彊弩視其進

退發矢如一容止中節因曰此殿庭間數百人爾猶兵
威可觀况堂堂之陣數萬成列者乎咸平三年詔定州
等處本城廳子無敵忠銳定塞指揮已並升充禁軍馬
軍雲翼指揮依逐州軍就糧令侍衛馬軍司管轄定州
揀中廳子第一充雲翼第一第二充雲翼第二相州廳
子第一充雲翼第三第二充雲翼第四保州無敵第一
充雲翼第五第二充雲翼第六忠銳充雲翼第七威勇
軍無敵第一充雲翼第八第二充雲翼第九忠銳充雲

翼第十靜戎軍無敵充雲翼第十一寧邊軍無敵充雲
翼第十二北平塞無敵充雲翼第十三深州無敵充雲
翼第十四北面諸處應管本城定塞指揮已下鎮定州
高陽關路都總管並充禁軍馬軍雲翼指揮纔候升立
訖分析遂指揮員兵士人數就糧州府本指揮見在去
處以聞四年詔陝西沿邊州軍兵士先選中者並升為
禁軍名保捷五年正月置廣捷兵士五指揮五月命使
臣分往邠寧環慶涇原儀渭隴鄜延等州於保安保毅

軍內與逐處官吏選取有力者共二萬人各於本州置
營升為禁軍號曰振武指揮既而帝曰邊防闕兵朝廷
須為制置蓋不得已也候邊鄙乂寧即可銷弭六月以
河東州兵為神銳二十四指揮神虎十指揮又升石州
廳子軍為禁軍又以威虎十指揮隸虎翼景德四年詔
河東廣銳神銳神虎軍以見存為定額缺則補之大中
祥符元年詔侍衛步軍司閤保寧軍士分為四等其第
一等徙營亳州永城縣餘聽歸農無家可還者隸諸州

為刺員四年宣示永安縣永安指揮兵八千餘人以奉
諸陵其知軍額猶隸西京本城廂軍可賜名奉先指揮
升為禁軍在清塞之下八年置禁軍左右清衛二指揮
在雄武弩手之上散卒月給鐵錢五百以奉宮觀仁宗
即位海內承平而留神武備始幸安肅教場觀飛山雄
武發砲命奉日天武神衛虎翼四軍為戰陣法拔其擊
刺騎射之精者稍遷補之由天聖至寶元間增募諸軍
陝西蕃落廣銳河北雲翼京畿廣捷虎翼効忠陝西河

東清邊弩手京西江淮荆湖歸遠總百餘營康定初趙
元昊反西邊用兵詔募神捷兵易名萬勝為營二十所
募多市井選悞不足以備戰守是時禁兵多戍陝西並
邊土兵雖不及等然驍勇善戰京師所遣戍者雖稱魁
頭大率不能辛苦而摧鋒陷陣非其所長又北戍及川
峽荆湘嶺嶠間多不便習水土故議者欲益募土兵為
就糧於是增置陝西蕃落保捷定功河北雲翼有馬勁
勇陝西河北振武河北京東武衛陝西京西壯勇延州

青澗登州澄海弩手京畿近郡亦增募龍騎廣勇廣捷
虎翼步鬪步武復升河北招收無敵廳子馬陝西制勝
并州克戎騎射麟州飛騎府州威遠秦州建威慶州有
馬安塞保州威邊安肅軍忠銳嵐府州建安登州平海
皆為禁兵增內外馬步凡數百營又京東西河北河東
江淮荆湖兩浙福建路各募宣毅大州二營小州一營
凡二百八十人竒嵐軍別置床子弩砲手時吏以所募
多寡為賞罰格諸軍子弟悉聽隸籍禁軍闕額多選本

城補填故慶厯中外禁廂軍總一百二十五萬視國初
為最多西師既罷上患兵冗帑庾不能給乃詔省兵數
萬人皇祐二年川峽增置寧遠五年江淮荆湖置教閱
忠節州一營大州五百人小州三百人於是宣毅寢廢
不復補而荆湖廣南益募雄略至和二年廣桂邕州置
有馬雄略明年併萬勝為十營其後議者謂東南雖無
事不宜弛備嘉祐四年乃詔荆南江寧府揚廬洪潭福
州募就糧軍號威果各營於本州又益遣禁軍駐泊長

吏兼本路兵馬鈐轄選武臣為都監專主訓練於是東南稍有備矣七年宰相韓琦言祖宗以兵定天下凡有征戍則募置事已則併故兵日精而用不廣今二邊雖號通好而西北屯邊之兵常若待敵之至故竭天下之力而不能給不於此時先慮而豫備之一旦邊陲用兵水旱相繼卒起而圖之不可及矣又三路就糧之兵雖勇勁服習然邊儲貴踊常苦難贍若其數過多復有尾大不掉之患京師之兵雖雜且少精然漕於東西廣而

易供設其數多得彊幹弱枝之勢祖宗時就糧之兵不甚多邊陲有事則以京師兵益之其慮深而其費鮮願詔樞密院同三司量河北陝西河東及三司權貨務歲入金帛之數約可贍京師及三路兵馬幾何然後以可贍之數立為定額額外罷募闕即增補額外數已盡而營畸零則省併之既見定額則可以定其路馬步軍一營以若干為額仍請覈見開寶至道天禧慶厯中外兵馬之數蓋開寶至道之兵太祖太宗以之定天下服四

方也天禧之兵真宗所以守成備豫也慶厯之兵西師後增置之數也以祖宗之兵視今數之多少則精冗易判裁制無疑矣於是詔中書樞密院同議樞密院奏開寶之籍總三十七萬八千而禁軍馬步十九萬三千至道之籍總六十六萬六千而禁軍馬步三十五萬八千天禧之籍總九十一萬二千而禁軍馬步四十三萬二千慶厯之籍總一百二十五萬九千而禁軍馬步八十二萬六千視其所募兵寢多自是稍加裁制以為定額

英宗即位詔諸道選軍士能引弓二石彊弩四石五斗
送京師閱試第升軍額明年併萬勝為神衛三年京師
置雄武第三軍時宣毅僅有存者然數詔諸路選廂軍
壯勇者補禁衛而退其老弱焉蓋治平之兵一百十六
萬二千而禁軍馬步六十六萬三千云熙寧元年十二
月詔京東武衛四十二指揮並分隸河北都總管司六
指揮隸大名府路三十六指揮均隸定州高陽關兩路
更戍其休番者選差兵官三人依河北教閱新法訓練

仍差使臣押教又詔京東路募河北流民招置教閱廂軍二十指揮以忠果為額青鄆淄齊州各三指揮濟兗曹濮州各兩指揮三年十二月樞密使文彥博等上在京開封府界及京東等路禁軍數帝亦參以治平中兵數而討論焉遂詔殿前虎翼除水軍一指揮外存六十指揮各以五百人為率總三萬四百人在京增廣勇五指揮共二千人開封府界定六萬二千人京東五萬一千二百人兩浙四千人江東五千二百人江西六千八

百人湖廣八千三百人湖北萬二千人福建四千五百人廣南東西千二百人川陝三路四千四百人為額在京其餘指揮并河東陝西京西淮南路既皆撥併唯河北人數尚多乃詔禁軍以七萬為額初河北兵籍比諸路為多其緣邊者且仰給三司至是而撥併畸零立為定額焉是時京東增置武衛軍分隸河北四路後又以三千人戍揚杭州江寧府其後又團結軍士置將分領則謂之將兵云七年正月詔頒諸將班直禁軍名額殿

前司諸班殿前指揮使內殿直散員散指揮散都頭散
祇候金槍東西招箭散直鈞容直諸直御龍御龍骨朶
御龍弓箭御龍弩直諸軍捧日鋸直捧日左射捧日寬
衣天武鋸直天武左射天武歸明渤海拱聖神勇吐渾
驍騎驍勝宣武虎翼水軍寧朔龍猛捧日第五軍捧日
第七軍天武第五軍天武第七軍契丹直第一契丹直
第二神騎廣勇步鬪龍騎驍猛雄勇太原府就糧吐渾
潞州就糧吐渾左射清朔擒戎廣捷廣德驍雄雄威侍

衛馬軍司龍衛鋸直龍衛左射龍衛恩冀州員僚直忠
猛定州散員驍捷雲騎武騎龍衛第十軍揀中龍衛新
立驍捷飛捷驍武廣銳雲翼禁軍有馬勁勇廳子馬無
敵克勝飛騎威遠克戎萬捷雲捷橫塞慶州有馬安塞
蕃落有馬雄略員僚刺員直侍衛步軍司神衛虎翼水
軍神衛第十軍步武武衛牀子弩雄武飛山雄武神衛
振武來化雄武弩手上威猛招勝雄勝澄海水軍弩手
神虎保捷捉生清邊弩手制勝定功青澗平海雄武効

忠宣毅建安威果川効忠揀中雄勇懷順懷恩勇捷威

武靜戎弩手忠遠寧遠忠節教閱忠節川忠節神威歸

遠雄略下威猛彊猛壯勇橋道清塞武嚴宣效神衛剩

員奉先園揀中六軍

左龍武右龍武左羽林右羽林左神武右神武

御營喝探

新團立揀中剩員諸班直資次相壓殿前指揮使御龍

直御龍骨朶子直內殿直散員散指揮使散都頭散祇

候金槍東西班御龍弓箭直御龍弩直招箭班散鈞容

直諸軍資次相壓捧日鋸直捧日左射捧日寬衣天武

天武鉏直天武左射天武龍衛鉏直龍衛左射龍衛神
衛歸明渤海拱聖神勇恩冀州員僚直忠猛定州散員
吐渾驍騎驍捷雲騎驍勝宣武武騎殿前司虎翼殿前
司虎翼水軍寧朔龍猛步軍司虎翼步軍司虎翼水軍
捧日第五軍捧日第七軍天武第五軍天武第七軍龍
衛第十軍揀中龍衛神衛第十軍契丹直第一契丹直
第二神騎廣勇步鬪龍騎驍猛雄勇太原府就糧吐渾
潞州就糧吐渾清朔擒戎新立驍捷飛捷驍武廣銳雲

翼禁軍有馬勁勇步武武衛牀子弩雄武飛山雄武神

銳振武來化雄武弩手上威猛廳子馬無敵招收雄勝

廣捷廣德克勝飛騎威遠澄海水軍弩手克戎驍雄雄

威萬捷雲捷橫塞神虎保捷慶州有馬安塞蕃落捉生

清邊弩手制勝定功有馬雄略青澗平海雄武効忠宣

毅建安威果川效忠揀中雄勇懷順懷恩勇捷威武下

威武靜戎弩手忠勇寧遠忠節教閱忠順川忠節神威

歸遠雄略下威猛強猛壯勇員僚剩員直橋道川橋道

步軍司清塞武嚴宣効神衛剩員奉先園揀中六軍御
營喝探新團立揀中剩員諸禁軍名額係捧日天武龍
衛神衛為上軍五百文已上料錢見錢為中軍不滿五
百文料錢見錢并捧日天武第五第七軍龍衛神衛第
十軍驍猛雄勇驍雄雄威為下軍元豐五年十月詔諸
路教閱廂軍於下禁軍內增入指揮名額排連並同禁
軍蓋熙寧之籍天下禁軍凡五十六萬八千六百八十
八人元豐之籍六十一萬二千二百四十三人哲宗即

位四方用兵增戍益廣元祐元年三月寄招河北路保甲充填在京禁軍闕額龍神衛以年二十以下中軍以下以年二十五以下者雖短小一指並招刺焉二年詔西關堡防拓禁軍和雇入役復置河北河東陝西府界馬步軍七年河東陝西路諸帥府敢勇以一百人為額專隸經略司紹興四年陝西路增置蕃落馬軍是年蘭州金城置步軍保捷馬軍蕃落元符元年利州路興元府閬州各增置就糧武寧又湖北江東各增置有馬雄

略涇原路新築南年會賜名西安州戍守共以七千人
為額仍招置馬軍蕃落步軍保捷天都臨羌砦戍守各
以三千人為額仍各置馬軍蕃落步軍保捷永興軍等
路創置蕃落河北大名府等二十二州共創置馬軍廣
威步軍保捷以河北大水招刺流民故也二年正月環
慶增置敢勇二百人四月環慶路都總管司言本路新
展定邊城北之橫山興平等處城砦尤深乞增置住營
馬軍蕃落步軍保捷六月環慶路都總管司言展築慶

州白豹城合增置住營馬步軍又鄜延路都總管司言
本路新築米脂等八堡砦合增置土兵馬步軍皆從之
三年樞密院奏河北增置馬軍廣威步軍保捷二萬餘
人欲令揀選升換在京闕額軍分從之自紹聖以來陝
西河東連用兵六年進築未已覆軍殺將供給不可勝
紀徽宗崇寧元年九月荆湖北路增置禁軍以靖安名
十月川陝置安遠軍三年三月隴右都護奏乞於鄯州
置水軍守河浮橋又樞密院乞增置府界京東西等路

步軍荆湖南路雄略皆從之十月京東西河東北開封府界創置馬步軍五萬人馬軍以崇捷宗銳名步軍以崇武宗威名合用緡錢二百八十萬有奇以常平封樁等錢支用蔡京之請也京又言今拓地廣戍兵少當議添置兵額以為邊備從之四年十一月廣西路置刀牌手三千人於切要州軍更戍以寧海名十二月詔四輔屏翰京師兵力不可偏重可各以二萬人為額五年環慶路進築徐丁臺城賜名安邊置馬軍蕃落步軍保捷

大觀元年五月延安置錢監兵閏十月靖州置宣節十一月兩浙東西路各增置禁軍宣和三年內侍制置所譚稹奏以方臘既平乞節鎮增添禁軍兩指揮餘州軍一指揮又乞除溫處衢婺外將禁軍更招置成十指揮又乞增置嚴州威果禁軍並從之五年二月尚書省言古者六軍為王之爪牙羽林則禁衛之總名也今臣僚使令兵卒所居營分曰六軍而復有左右羽林之名稱謂失當若將揀中六軍并六軍指揮並改為廣効內揀

中六軍作第一指揮左龍武第二左羽林第三左神武
第四右龍武第五右羽林第六右神武第七從之靖康
元年詔廣西宜融二州實為極邊舊置馬軍難議減省
且依元降指揮招置自元豐而後民兵日盛募兵日衰
其募兵闕額則收其廩給以為民兵教閱之費元祐以
降民兵亦衰崇寧大觀以來蔡京用事兵弊日滋至於
受逃亡收配隸猶恐不足政和之後久廢蒐補軍士死
亡之餘老疾者徒費廩給少健者又多冗占階級既壞

紀律遂亡童貫握兵勢傾內外凡遇陣敗恥於人言第
申逃竄河北將兵十無二三往往多住招闕額以其封
椿為上供之用陝右諸路兵亦無幾种師道將兵入援
止得萬五千人故靖康之變雖畫一之詔哀痛激切而
事已無及矣高宗南渡始建御營司未幾復併御營歸
樞密院紹興四年改御前五軍為神武軍御營為神武
軍副並隸樞密院五年上以祖宗故事兵皆隸三衙乃
廢神武中軍隸殿前司於是殿司兵柄始一乾道元年

詔殿前兵馬權以七萬三千人為額諸屯駐大軍則皆
諸將之部曲高宗開元帥府諸將兵悉隸焉建炎後諸
大將兵寢盛因時制變屯無常所如劉光世軍或在鎮
江池州太平韓世忠軍或屯江州江陰岳飛一軍或屯
宜興蔣山王彥八字軍隨張浚入蜀吳玠兵多屯鳳州
大散關和尚原是時合內外大軍十九萬四千餘川陝
不與焉及楊沂中將中軍總宿衛江東劉光世淮東韓
世忠湖北岳飛湖南王燮四軍共十九萬一千六百亦

未嘗有屯紹興十一年范同以諸將握兵難制獻謀秦檜且以拓臯之捷言於上召張俊韓世忠岳飛入覲張俊首納所部兵分命三大帥副校各統所部自為一軍更銜曰統制御前軍馬罷宣撫司遇出師取旨兵皆隸樞密院屯駐仍舊而四川大將兵曰興成階鳳文龍利門金洋綿房西和州大安軍興元隆慶潼川府凡十四郡亦分屯就糧焉乾道之末各州有都統司領兵建康五萬池州一萬二千鎮江四萬七千楚州武鋒軍一萬

一千鄂州四萬九千荆南二萬興元一萬七千金州一萬一千其後分屯列戍增損靡常所可考者統制統領正將副將準備將之目也至於水軍之制則有加於前者南渡以後江淮皆為邊境故也建炎初李綱請於沿江淮河帥府置水兵二軍要郡別置水兵一軍次要郡別置中軍招善舟楫者充立軍號曰凌波樓船軍其戰艦則有海鯨水哨馬雙車得勝十棹大飛旗捷防沙平底水飛馬之名隆興以後至於寶祐景定間江淮沿流

堡隘相望守禦益繁民勞益甚迨咸淳末廣東籍蜚丁

閩海拘舶船民船公私俱弊矣其禁軍將校則有殿前

司都指揮使副都指揮使都虞候各一人諸班直都虞

候指揮使都知副都知押班御龍諸直有四直都虞候

本直各有都虞候指揮使副指揮使都頭副都頭十將

將虞候馬步軍有捧日天武左右四廂都指揮使捧日

天武左右各有都指揮使每軍有都指揮使都虞候每

指揮有指揮使副指揮使每都有軍使

步軍謂都頭

副兵馬

使

步軍謂之副都頭

十將將虞候承局押官所領諸班直指揮

騎兵步兵之額敘列如左以其前後之異同者分為建隆以來之制熙寧以後之制而將兵水兵之制可考者因附著於後云

建隆以來之制

騎軍殿前指揮使

左右班二宋初以舊府親從帶甲之士及諸班軍騎中選武藝絕倫者充

內殿直

左右班四周制簡軍校暨武臣子弟有材勇者立又有川班直殿直乾德三年平蜀得奇兵簡

閱材貌魁偉便習騎射者凡百二十人立開寶二年廢

散員

左右班四周制招置諸州豪傑立散指揮

散都頭散祗候凡十二班又於北面驍騎員僚直及諸軍內簡閱填補咸平五年定州路都部署王超言緣邊有強梁輩常居四界擾動邊境

散指揮

左右班四散都頭左右

班**金槍班**

左右班二舊名內直太平興國初改選諸軍中善用槍槊者補之

東西班

手弩

龍旗直招箭班共十二舊號東西班承旨淳化二年改為殿前侍東西各第一第二弩手龍旗直班六並帶甲選諸班及不帶甲班增補其東第二茶酒及第三西第四班不帶甲並以諸軍員使臣及沒王事者子弟為之又擇善弓箭**散直**左右班四雍熙四年以諸道募置藩者為招箭班**散直**鎮廳頭軍將及詣登聞院求試武藝者立咸平元年選諸節度**鈞容直**班二太平興國三年使從人騎御馬小底增補

御馬小底立淳化二年改之

外殿直

班一諸班衛士中年多者號看班外殿直後削看班之號或詣

諸道攝軍校之職部分州兵謂之權管國初又有內員僚直開寶中廢太平興國四年征太原得上軍天禧四

年併入

捧日

并左射鋸直弩手左第五軍總指揮三十

改為鐵騎太平興國二年改為日騎雍熙四年改今名分左右廂各四軍雍熙三年選善槍槊者充鋸直淳化

三年選善左射者為左射咸平五年**契丹**直壽各一後選天武拱聖驍騎善弩射者為弩手

唐置旋廢開寶三年以遼人內附之**歸明**渤海指揮二衆復置太平興國中因事復置旋廢

平興國四年征幽**拱聖**州指揮二十一京師乾德中選諸州以渤海降兵立

驍猛雍熙四年又改**吐渾**小底舊指揮五治平中併為拱辰未幾改今名

平太原獲吐渾子弟又選**驍騎**指揮二十三京師太平監牧諸軍中所有者充

搦索兵及左右教駿兵增置雍熙四年改殿前司步騎
弩手為驍騎弩手淳化四年選壯勇超絕者為上驍騎
在本軍之上咸平五年分左右廂舊又有殿前驍勝左右
小底至道二年選驍騎馬直及善射者充後廢驍勝左右
指揮各五京師咸平三年選教駿寧朔指揮十京師尉
驍騎諸軍備征子弟材勇者立
河陽河陰各一咸平三年選龍猛指揮八京師太平興
教駿諸軍備征及外州兵立
州部送招獲羣盜取其材勇者立淳化四年又擇精悍
者為教閱龍猛以備禽盜在本軍之上景德四年又選
龍騎驍騎飛猛指揮二咸平二年選龍猛驍猛指揮四
兵增之
太康一舊號驍雄太平興國中改雍熙四年以拱聖年
多者為拱辰軍其次等者如故景德四年以拱聖年多
者隸神騎指揮十八雍丘十三咸平五端拱二年選驍
之雄新配人及教駿借事等兵立淳化二年廢

掉捐索軍隸之咸平二年又驍雄二指揮四咸平陳留各
擇教駿備征及外州增之

驍猛中次等者立景德中以驍吐渾直指揮三太原二
騎驍勝寧朔軍年多者隸之

八年太原遷雲州及河界吐渾立屯并代州安慶直太
雍熙三年又得雲朔歸明吐渾增立屯潞州

原一路三太平興國四年遷雲朔及河東歸明三部落
安慶民分屯并潞等州給以土田雍熙四年立

指揮一太原太平興國四年親征幽清朔二指揮四西京
州遷雲朔應等州部落於并州因立

太平興國四年遷雲朔州民於內地得自擒戎指揮五
置馬以為騎兵謂之家戶馬雍熙四年立

各二汝一太平興國四年遷雲朔州民於西京新安內
許汝等州給以土田克家戶馬端拱二年立

員僚直五端拱二年成德軍節度使田重進言易州靜
砦兵先屯鎮州賊陷勇陷谷盡俘其家請以其

軍備宿衛因而立此
直後廢天聖後無

散祗候

左右班二
天聖前無

步鬪

指揮六尉
氏太康各

一蔡四慶歷中
增置天聖前無

步軍御龍直

左右二舊號簇御直太平
興國二年改為簇御龍直

後改
今名**御龍骨朶子直**

左右二舊號骨錄子直太平興國
二年改為御龍散手直後改今名

御龍弓箭直

五選天武諸軍
材貌魁傑者充

御龍弩直

五天武并寬衣
五選天武諸軍材貌魁傑者充

射總指揮三十四京
師二十三咸平一

神勇

上下共二十一指揮乾德中
揀閱諸軍壯實而大體者立

為雄威太平興國二年改為雄勇雍熙四年改今名
淳化四年選武藝超絕者立為上神勇以備擒盜

宣

武

上下共二十指揮京師太平興國二年併效節忠猛
二軍立又選諸軍及鄉兵增之至道二年又選軍頭

司步直善用槍槊掉刀
者立殿前步直後廢

虎翼

太平興國中揀雄武弩手
立為上鐵林又於雄武定

遠寧勝床子弩手飛山雄武等軍選勁兵以增其數雍
熙四年改分左右四軍淳化四年選本軍精銳者為上
虎翼以備擒盜咸平二年併廣勇軍隸之大中祥符六
年詔在京諸軍選江淮士卒善水者習戰於金明池立
為虎翼水軍舊指揮六**雄勇**舊號雄威太平興國二年
十二景德中增六京師改今名雍熙四年改神勇
復於本軍選退入次等者為之舊指揮五至**廣德**開寶
和五年增為八咸平三鄆二許鄭滑各一
平廣南以其兵隸殿前司次等隸八作司闕則選廣南
諸州兵補之雍熙三年選八作司之彊壯者為揀中總
指揮十咸平尉氏陽武河**廣勇**淳化二年選神射鞭箭
陽滄鞏白波各一西京二**廣勇**淳化二年選神射鞭箭
射者立為廣武大中祥符二年改今名舊指揮二十三
慶厯中增為四十三每指揮十為一軍京師五陳留二
十二咸平東明太原胙城南京**廣捷**舊名左右平遠建
各二襄邑陽武鄆各一滑三

年又選廣德神威等軍教以標槍旁牌補之舊指揮五景祐中增五明道中增十慶厯增三十六總五十六陳

留八咸平六雍丘四襄邑尉氏許各三太康扶溝南京毫河陰潁寧陵各二陳六滑曹鄧蔡廣濟穀熟永城襄

城葉雄威雍熙四年選神勇兵退入第二等立為神威各一後改今名指揮十考城襄邑陳留各一南京

四陳宣威雍熙四年選神勇宣武兵退入次等龍騎建隆者立上下指揮二咸平襄邑各一

間以諸道招致及捕獲羣寇立號有馬步人見陣即步關淳化三年選本軍年多者為帶甲刺員咸平以後又

以本軍及龍猛退兵增之舊指揮八康定中取配隸克軍者增置為指揮二十分三軍京師四尉氏雍丘咸平

鄭各二南京陳蔡河神射兩浙州兵舊號腰弩雍熙四陽潁單泗波各一

下選其彊者為廣武次等復為步鬪雍熙三年選諸州本軍指揮五陳留三雍丘二

後廢此下二鞭箭雍熙三年選兩浙兵為鞭箭次等者

軍天聖後無為忠節鞭箭端拱二年併為一至道

元年發此兵援靈州芻粟喪車重兵器於浦洛河詔免死後廢

侍衛司侍衛親軍馬步軍都指揮使副都指揮使都虞候各一人馬軍都指揮使副都指揮使都虞候各一人步軍亦如之自馬步軍都虞候已上其員全闕即馬步軍都指揮使等各領其務與殿前號為三司馬步軍有龍衛神衛左右四廂都指揮使都虞候每指揮有都指揮使副指揮使餘如殿前司之制所領騎兵步兵之額

叙列如左

騎軍員僚直

顯德中周平三關召募強人及選高陽關
馳捷兵為北面兩直建隆初選諸州騎兵

及蕃鎮廳頭召募人等為左三直太平興國四年平太
原選其騎兵為右三直北面兩直營貝冀隸高陽關都

部置大中祥符中改為貝州左直冀一龍衛舊號護聖周
州右直後改四直京師二恩冀各一龍衛廣順中改龍

捷建隆二年揀去衰老以諸州所募精勁者補之太平
興國二年改分左右廂四年平太原選其降兵為揀中

龍衛雍熙二年又揀善槍槊者為鋸直淳化三年選利
員堪披甲者為帶甲刺員五年又揀善左射者為左射

指揮四十四京師三十八忠猛咸平二年置散員咸平
雍丘尉氏河陽各一澧三指揮一定州五年

置指揮驍捷周顯德中平三關揀諸州士卒壯勇者為
一定州驍捷宋初隸高陽關都部署建隆二

年廢左右驍武以其兵來隸乾德中又選備征及嵐州
歸附之兵為河南驍捷其後止以驍捷為名太平興國

四年平太原揀閱降兵為揀中驍捷淳化四年又置新
立驍捷至道三年分驍捷為左右廂咸平五年以其年

多者為帶甲剩員指揮二十六尉
氏新立陳揀中各一恩十四冀十雲騎建隆二年改開

寶以後募子弟為雲騎以其次為武騎又選騎兵之次
等為武騎又選本軍年多者為帶甲剩員指揮十五京

師十一陳留西
京各一鞏二歸明神武太平興國四年親征幽州以

增為四克勝本潞州騎兵端拱
雍丘初升指揮二路驍銳舊名散員指揮咸

莫三驍武本河北諸州忠烈威邊騎射等兵淳化四年
冀一揀閱其材與雲騎武騎等立得自置馬分左

右廂指揮二十北京七真廣銳本河州忠烈宣勇能結
定三定六相懷洛邢各一社買馬者馬死則市補

官助其直至道元年立咸平以後選振武兵增之老疾者以親屬代景德二年詔非親屬願代者聽大中祥符五年以其退兵為帶甲剩員舊河東指揮三十一陝西七景祐康定中增為四十二太原代并各三汾五嵐石苛嵐各二晉熙慈絳澤隰憲寧化威勝平定武清晉州火山各一涇原廊各二秦渭環邠寧各一
端拱二年以其久在北鄙有屯戍有馬勁勇咸平四年之勞選勇悍者就升指揮一晉
州兵立慶厯中分置第六第七總雲翼舊指揮三十三指揮七太原二代嵐各一磁三景祐以後增置
二十三分左右廂總五十六真定雄瀛深趙永寧各三定冀各六保五滄北平永靜順安保定各二莫邢霸各一廣信廳子慶厯初升禁軍指揮六定一相五萬捷肅各四
開寶中募趙相滄冀州民立大中祥符中以驍雲捷平太武雲騎退兵隸之指揮七相冀遼各二滄一

興國四年選諸軍中應募子弟及教駿借事備征等有武幹者立大中祥符五年以寧朔退兵隸之指揮十二

尉氏咸平西京北京橫塞及在京借事立指揮七雍丘澶各二汝懷各一

咸平考城襄邑員僚剩員直禁軍員僚以罪責降者充寧陵各一衛二

後清塞周立指揮二其一北蕃歸附之衆營壽州其一無破淮南紫金山砦所得騎軍營延州宋初選本

軍子弟補其缺太平興國三飛捷本威虜軍保州易州年又得泉州兩浙兵以益之靜塞兵定州廳子軍

立淳化元年詔赴闕揀閱以靜塞為驍駿本壽州咸聖三等廳子為一等改今名指揮四

改指揀中夏州廳子本夏州家戶淳化五年河西行營都部署李繼隆遣部送京師立指

揮一騎捷本雍州強人指揮咸平三武騎指揮一十一京年改分營瀛莫指揮四

宋史

氏三陳留考城咸平鄭各一西京二此
下至有馬雄畧凡十二軍三朝志無
驍騎指揮一無

敵河北沿邊廂兵慶歷二年升禁軍總
指揮六定北平各二安肅廣信各一忠銳廣信廂兵

歷二年升禁軍威邊諸州廂兵惟保州教戰射隸巡檢司
軍指揮一慶歷初升禁軍指揮二定保各一

飛騎麟州廂兵慶歷初威遠府州廂兵本北騎之精銳
升禁軍指揮二慶歷初升禁軍指揮二

克戎并州廂軍有馬者康有馬安塞慶州廂軍慶歷中
定中升禁軍指揮一升禁軍指揮一

蕃落陝西沿邊廂兵有馬者天禧後升禁軍極邊城砦
悉置至慶歷中總指揮八十三環五延慶各四秦

并外砦十七原渭并外砦各十二德順并外砦七鎮并
戎并外砦十二鳳翔涇并外砦儀保安各二隴外一

州騎射諸道廂軍惟并州路有馬備征有馬雄略至和
役慶歷五年升禁軍指揮一二年

置指揮三廣
桂邕各一

步軍神衛

晉曰奉國軍周改虎捷建隆二年
揀閱諸州所募禁軍增補乾

德三年西川行營都部署王全斌偽署感化耀武等軍
平寇者功請備禁旅詔並為虎捷太平興國二年改舊
水虎翼即軍中習水戰者是歲改為神衛水軍又於刺
員中選可備征役者立為揀中神衛大中祥符後剩員
又有帶甲看倉草塲看船之名凡四等皆選本軍年多
者補宋初指揮四十六仁宗後止存指揮三十一京師
步武

本鄉軍選克神勇宣武雍熙三年揀
其次等者立慶厯中增指揮六陳

虎翼

宋初號
雄武弩

手太平興國二年選壯勇者為上鐵林其次為下鐵林
雍熙四年改為左右廂各三軍咸平五年以威虎軍來
隸景德三年選效順兵補其缺大中祥符五年擇本軍
善水戰者為上虎翼六年又選江淮習水卒於金明池
按試戰棹立為虎翼軍江浙淮南諸州亦准此選置七
年改為虎翼水軍舊指揮七十五慶厯中增置二十一

總九十六京師九十并水軍一襄邑東明單各一長葛二**奉節**乾德三年平蜀得其

名景德三年又選立**武衛**太平興國中募河北諸州兵上奉節指揮五京師立舊指揮十六慶厯中河北

增置為指揮六十七南京真定淄各四北京澶相邢懷趙棟洺德祁通利乾寧廣濟各一青五鄆徐兗曹濮沂

濟單萊濰登淮揚瀛**雄武**并雄武弩手床子弩雄武揀博各二齊密滄各三**雄武**中雄武飛山雄武揀中歸明

雄武總指揮三十四京師十三太原尉氏南京鄭汝寧陵各二咸平東明雍丘襄邑許曹廣濟穀熟長葛各一

川効忠太平興國三年選諸州廂兵歸京師者立淳化四年又選川峽威棹克寧兵部送京師者立為

川効忠景德六年以德清廂軍及威遠兵增**効順**宋初之舊指揮二十八後減為七南京六寧陵一**効順**宋初

州以降卒立**雄勝**開寶中以刺員立太平興國中選入指揮一襄邑**雄勝**上鐵林餘如故又有雄勝刺員指揮

三峽翼

濟各一揀中雄勇

開寶中立以常寧雄勇效順等軍刺員中選其強者立為揀中大中祥符

二年又選歸遠軍為新立舊指揮四後損為一襄邑

懷勇

開寶四年揀蜀兵之在京師者立指揮三雍丘

二陳威寧

淳化中部送西川賊帥王小波脇從之兵歸京師立咸平元年又以散員直增補指揮一

許飛虎

本虎翼廣武兵屯西川無家屬者太平興國中歸京師指揮三陳留二咸平一懷順准

南兵舊號懷德建隆二年改指揮一霸

歸聖

開寶七年以李從善所領兵及水軍立八年平江南又以

其降兵增補指揮一雍丘

順聖

太平興國中平兩浙兵歸京師立指揮一鞏懷恩乾德三年平蜀

得其軍立指揮三荆南二鄂一揀中懷愛

本蜀兵與懷恩同立又拔精銳者為揀中淳化四年又選

川峽威棹克寧兵次等者立為牽船以給河漕之役舊指揮三後損為一寧陵

勇捷

太平興國四年征太

原立分左右廂以諸州庫兵補左廂廣濟開山兵補右廂指揮二十六襄邑北京澶陳壽汝曹宿各二咸平西

京南京亳州寧河陰
威武太平興國四年征太原立分

鞏長葛韋城各一
廂兩浙順化兵補右廂大中祥符五年又立下威武共指揮十三西京河陽鄭鄆澶滑濮通利鞏河陰永城各

一曹
靜戎弩手選江南歸化兵及諸州廂兵壯實
平塞

弩手本兩浙順化軍揀其強壯立為弩手又以江浙通負官物隸憲務徒役者為揀中平塞指揮四咸平

亳州陽白
新立弩手本勁勇兵太平興國中選
忠勇咸平

五年以易州兵能禽
寧遠大中祥符六年選西川克寧賊者立指揮一成都
威棹兵立舊指揮五皇祐及

至和中增置為八戎三
忠節太平興國三年選諸州廂遂梓嘉雅江安各一
軍之強壯者立淳化四年

又選川峽威棹克寧兵立為川忠節舊指揮二十四後
增校閱忠節總為六十雍丘襄邑寧陵各三陳留咸平
東明亳州陰永城各二南京五太康陽武許江寧揚廬
宿壽楚真泗泰滁岳澧池歙信太平饒宣洪虔吉臨江
興國廣濟南康廣德
長葛各一合流四
神威咸平三年選京師諸司庫務
許鞏各二雍丘考城咸
歸遠雍熙三年王師北征拔飛
平河陽廣濟白波各一
十六年選諸州雜犯兵增之舊指揮三天聖中增置為
略咸平六年選諸州廂兵及香藥遞鋪兵立舊指揮十
五皇祐五年增置為二十五荆南五潭四鼎澧各二
廣辰桂各二許
威猛咸平三年選諸州廂兵及召募者
全邵容各一
立上下指揮十襄邑四咸平許長
葛各
神銳咸平六年料簡河東兵立大中祥符五年以
二本軍及神虎兵年多者為帶甲剩員指揮二

十六太原六路晉各三澤汾熙平
神虎咸平五年選陝西州兵馬立六

年又料簡河東州兵立以西路河東兵之指揮二十六
永興六鳳翔河中忻晉威勝各二太原秦延鄜華各一

潞州
保捷咸平四年詔陝西沿邊選鄉丁保毅升克舊
指揮四十五慶歷中揀鄉弓手增置總一百

三十五永興十二同九秦八河中汾涇各七渭寧耀各
六鳳翔延儀華隴解乾各五陝原鄜各四成三慶鳳坊

晉鎮戎各二環丹商
振武舊指揮四十慶歷後河北增
號階慶成德順各一置為指揮四十二陝西增置

為指揮三十九總八十一北京澶相懷衛霸莫祁隸趙
濱沼保安永寧通利安肅儀各一真定定瀛保恩邢深

博永靜乾寧陵涇各二延六鄆隴
橋道太平興國三年
各七鄜寧各五磁四滄原各三選諸州廂兵次

等者立淳化四年又選川峽威棹克寧為川橋道總指
揮十八襄邑咸平陽武各二陳留東明尉氏太康西京

河陽濮鄆鞏河陰

清塞

太平興國初立左右廂舊指揮

白波寧陵各一

招收

端拱中獲通州大沙洲賊衆

之又收端拱中逃軍來復者原其罪為德壽軍後改今

信安各三定鄆城砦各

壯勇

本招獲羣盜配近京徒役

二廣信安肅順安各一

雜犯兵增之至道三年

江浙發運使楊允恭禽海賊送

闕下增補旋廢舊指揮

三慶厯中增置為七

耀解滑各

二許宣効咸平三年選六軍

宣効

務軍營務天驕監効役

為揀中宣効舊指揮

來化

雍熙中以飛狐靈丘歸附之

五後損為二京師

立後廢舊指揮

雍熙中平塞陷邊之民黥而放

後損為二寧陵

歸恩

還立分有家屬者隸左廂無者

隸右廂指揮二毫順化太平興國三年以兩浙兵之次左右清

衛大中祥符八年立以奉諸宮觀洒掃之役指揮二此下至強壯軍員凡八軍天聖後無川員僚

直本西蜀賊全師雄所署將領乾德中立造船務軍善治舟楫者立歸

明羽林太平興國四年征新立清河緣河舊置鋪兵以幽州獲其兵立

二指揮保寧大中祥符元年馬步軍都虞候新立歸化寶

七年以江南李從善所領步曲水軍立強壯軍員咸平

八年平江南又以降兵增之指揮一置指澄海弩手慶厯二年置隸海州都巡檢司指捉生

延州廂兵天聖五清邊弩手寶元初選陝西河東廂軍年升禁軍指揮二之伉健者置以弩手名指

揮四十三太原九秦五涇四河中隴各三永興代制勝

陝西廂兵慶歷中升禁軍指揮九永定功陝西廂軍慶

典華永各二鳳翔耀同解乾各一清澗慶歷初募土人精悍

軍增置為指揮十永興秦慶清澗者克因其地名指揮

原渭涇儀廊延鎮戎各一建威秦州廂兵慶歷八效勇景祐中募川峽流民增

二建威年升禁軍指揮一效勇置為指揮二十七陳留

三太康尉氏襄邑河陽曹台流各二咸平宣毅慶歷中

鄭亳衛許單澶磁廣濟河陰寧陵白波一宣毅京東京

西河北河東淮南江南兩浙荆湖福建九路募健勇或

選廂軍為之指揮二百八十八至治平中管一百七十

四京東路南京鄆徐曹齊各二青兗密濮沂單濟淄萊

灘登淮陽廣濟各一京西路西京滑許河陽陳襄鄭潁

蔡汝隨信陽各一鄧二河北路鎮定德棣博邢祁恩磁

深定濱通利永靜乾寧各一河東路太原汾各六晉四

澤絳石代各三路嵐忻遼威勝平定各二慈隰寧化各
一淮南路揚亳各二廬宿壽楚真泗蕪海舒泰濠和光
黃通無為高郵連水各一江南路江寧洪慶吉撫棗筠
建昌南安各一兩浙路杭二越蘇明湖婺潤溫衢常秀
處各一荆湖路潭全鼎各三荆南邵衡永郴道安鄂岳
澧復峽歸辰荆門漢陽桂陽各一福建路建二泉南劍
漳汀邵武宣毅床子弩砲手慶厯中置指揮一奇嵐建安府州廂兵慶厯

二年升禁軍指揮嘉祐四年置指揮二十五荆南江
揮二府嵐各一威果寧杭揚廬澤各三洪越福各二處

一武嚴指揮一京師

御前忠佐軍頭司馬步軍都軍頭副都軍頭馬軍都軍
頭副都軍頭步軍都軍頭副都軍頭其所轄散員有副

指揮使軍使副兵馬使十將馬步直自指揮使而下皆如殿前司之制

御前忠佐散員

本許州員僚刺員淳化中立為軍頭司散員一班又五代以來軍校立功無可

門署者第令與諸校同其飲膳名健飯都指揮使後馬

唯被譴者居此大中祥符二年改為散指揮使班一

直

雍熙四年置指揮一

步直

端拱元年置指揮一

備軍

一千九百六十人

皇城司親從官

太平興國四年分親事官之有材勇者為之給諸殿洒掃及契勘巡察之事指

揮入內院子

天聖元年揀親事官年高者為之九年選輦官六十以上者充治平二年詔以五百

人為額

騏驎院騎御馬直

太平興國二年置分左右番八年分為二直其後增置八直

左右教駿

舊名左右備征建隆二年改指揮四

宋史卷一百八十七

宋史卷一百八十七考證

兵志一天武注指揮三十四京師二十三咸平一〇

臣

開鼎

按京師二十三合咸平一不符三十四之數此

志內外譌甚多如雄威下注云指揮十虎翼下注云
總九十六捧日下注云餘留二十九廣勇下注云四
十三稽其分數皆不合

宋史卷一百八十七考證

欽定四庫全書薈要卷五千八百十六

史部

宋史卷一百八十八

元中書右丞相總裁托克托等修

兵志第一百四十一

兵二禁軍下

熙寧以後之制

騎軍

殿前指揮使

班左右二

內班直

班左右四

散員

班左右四

散指

揮

班左右四

散都頭

班左右二

散祇候

班左右二

金槍班

班左右二

元祐二年六月密

院言元豐七年承旨司傳宣密院殿前指揮使左右班槍手可各以五分為額餘悉改充弓箭手切詳先為在京馬軍全廢槍手其諸班槍手有闕無人揀填遂有此宣旨近因殿前馬步軍司奏諸在京馬軍復置一分槍手諸班槍手並依舊教閱詔東西班及弩手龍旗直招元豐七年宣旨更不施行

東凡五班散直左右四熙寧九年併南散直隸外殿直西凡三班散直北散直中興後名招箭班散直

一熙寧五年廢銀槍班左右班二茶酒舊班中興茶酒新班中興五年廢銀槍班中興置

置鈞容直國初一班中興因之捧日并左射鋸直弩手後廢已上為諸班直左第五軍總三十

五京師三十三雍丘鄭各一熙寧五年捧日三十三併為二十二廢弩手隸左射餘留二十九元第一十月以左射隸天武二年廢左射鋸直八月廢第五軍雍丘第二南京第一並改為新立驍捷九月詔勿改惟闕勿補

侯其少歸明渤海二京師元豐元年撥填拱聖一餘撥隸驍騎右四拱聖二十

師熙寧六年併為十六廢吐渾五治平中併為二熙寧

左射中興後副指揮一員廢中興後驍騎二十二京師熙寧六年併為十四廢弩

屬步軍驍騎二十二京師熙寧六年併為十四廢弩一隸驍勝十熙寧寧朔十京師尉氏各三雍丘滑河陽

神勇三年廢豐元年在京第二龍猛八熙寧三飛猛一熙寧契丹直

第三並撥隸第一年併為六三咸平雍丘十三咸平五熙寧二

二熙寧九年廢神騎十八雍丘十三咸平五熙寧二步闢六尉氏太康各一蔡四元豐元年尉氏太康各一

蔡州二皆撥隸步軍司虎翼十一月蔡州二改為新立驍捷其第二充擒戎第四等四尉氏三太康四第一四充擒戎第五太康一元豐元年併尉氏第三隸第一

太康第二改驍雄二
年尉氏一勿填闕
吐渾直
三太原二潞一熙寧六年
廢潞州一七年廢太原二

元豐二年太原潞州各
一勿填闕中興屬步軍
安慶直
四太原一潞三
熙寧六年皆廢
三部落

一太原熙清朔
寧三年廢
四西京二潞
昌汝各一
擒戎
五西京潞昌各二汝
一元豐元年蔡州置

二驍雄
舊六治平四年併為四咸平陳各二熙寧初以
驍猛第四改克一元豐六年咸平尉氏各一闕

勿其馬軍行司新軍目選鋒
補
中興
神策選鋒軍左翼軍
置

右翼軍推鋒軍遊奕軍前軍右軍中軍左軍後軍護聖

馬步軍
中興
置

步軍
御龍直
二左右
御龍骨朶子直
二左右
御龍弓箭直

五御龍弩直

五中興左

天武

并寬衣鋸直左射總三十

四京師

三十三咸平一熙

寧二年併三十三為二十三年廢左射元豐元年併

陳留第七軍第一隸咸平第五軍第一十月廢寬衣天

武二年廢第五軍咸平第一改雄武弩手九月詔勿改

惟闕弗填四年廢鋸直紹聖元年十一月引進副使宋

球言自立殿前司以來有寬衣天武一指揮充駕出禁

衛圍子常守把在內諸門熙寧中廢併禁圍只差天武

皇城諸門更不差人乞復置寬衣一指揮或不欲添置

乞將天武本軍內以一指揮為寬衣天武詔禁圍子合

用天武人兵令殿前司今後並選定四十已上

有行止無過犯不係新招揀到人充遇闕選填神勇

神勇二十一京師熙寧六年併為十

四廢上神勇孝宗初改為護聖軍

廣勇

四十三每十

五陳留二十二咸平東門太康城南京各二襄邑陽武

鄆各一滑三熙寧九年在京增置一元祐二年八月詔

在京置左第三軍第一右第三軍第一神射五陳留三雍丘二十分三龍騎三軍京

師四尉氏雍丘咸平鄭各二南京陳蔡河陽隸單宿白波各一熙寧二年併為十三熙寧二年在京第七隸第

九雄勇八咸平三鄆二潁昌鄭滑各一元豐元年併咸

威併管城第七白馬第八潁昌宣威上下二咸平襄邑

咸平一隸廣捷以襄廣捷五十六陳留八咸平六雍丘一隸威猛四年廢四襄邑尉氏潁昌各三太康

扶溝南京亳州河陽潁寧陵各二陳五鄭滑曹鄧蔡廣濟穀熟永城襄城萊各一熙寧三年亳州一併廣勇永城

縣一併隸亳州元豐元年併管城第四十隸本縣雄勇第七併白馬縣第二十五隸本縣雄勇第八廣德

并揀中廣德總十咸平尉氏陽武河陽滄鞏白波各一西京三治平四年併十四為八熙寧六年廢揀中廣德

尉氏揀中廣德第一雄威

十考城襄邑陳留各一南京陽武第二改為廣德四陳三治平四年併十三為

十元豐元年以南京第八分隸第三第四第七二年襄邑二闕勿補

勝捷威勝威捷

建炎初置

隸殿前司

全捷前軍右軍中軍左軍後軍

自勝捷以下九軍並中興後置

侍衛司侍衛親軍馬步軍都指揮使副都指揮使都虞

候各一人馬軍都指揮使副都指揮使都虞候各一人

步軍亦如之自馬步軍都虞候以上其員全闕即馬軍

步軍都指揮使等各兼領其務馬步軍有龍衛神衛左

右四廂都指揮使龍衛神衛左右廂各有都指揮使每

軍有都指揮使都虞候每指揮有指揮使副指揮使餘如殿前司之制其所領騎步軍之額如左

騎軍

員僚直

左右四京師二恩冀各一熙寧二年併左直為一須人少撥隸如其軍省五年

廢恩冀州左右直弗補六年撥隸龍衛元豐三年廢

龍衛

并鉅直左射帶甲剝員四十四京師三十八雍

丘尉氏河陽并揀中各一澶二熙寧元年以澶州右第四軍第四隸第三共并為一九年陳留并帶甲剝員二為一熙寧元年澶州河陽尉氏就糧四併隸別指揮六年三十九併為二十八年置帶甲剝員二十年廢亳州一元豐元年陳留帶甲剝員闕勿補二年五月廢鉅直左射八月廢第十軍十月南京第十軍第一改新立驍捷左三六年廢帶

忠猛

一定熙寧五年廢

散員

一定熙寧五年廢

驍捷

二十六尉氏新立及揀中各一恩十四冀十熙寧元年
廢帶甲剌員三年廢揀中五年瀛州三撥隸本州雲翼
冀州十恩州十四各併為五莫州二併為一十年併冀
恩驍捷各五各為四元豐元年太康置新立驍捷一

雲騎

併十五京師十一陳留南京各一鞏縣二熙寧二年
併十五為十三年第一至十二併為七七月第八

撥隸第一第二八年置帶甲剌員一元豐二年闕選雲
捷第二軍補之十月雍丘帶甲剌員第一改為橫塞第

十中武騎

二十一京師雍丘各六尉氏三陳留考城咸
平鄭各一西京二熙寧元年廢咸平帶甲剌

員為剌員二年并二十作十五八年置帶甲剌員一九
年以雍丘帶甲剌員一隸雲騎帶甲剌員共為一十二

月在京四併為三尉氏二併為一考城一分隸雍丘寧
朔在京二併為一十年廢帶甲剌員元豐元年併帶甲

剌員亳州第
一中興三

驍銳

四莫三冀一熙寧五年莫州三併為
二冀州第三虛其闕以存者補驍捷

六年七月莫州第一第二冀歸明神武馬一尉氏熙寧六年改新立

州第三並改驍捷是月廢驍捷七飛捷四雍丘熙寧二年併驍武左右二十北京

月廢相懷洺邢各一熙寧元年廢帶甲剌員二年北京七併

為五五年真定府三併為二定州六併為四邢州雲冀

各一須人少併為一十北京五併為四定州四須人少

併為三元豐七年以忠猛一分入驍武第七第八第九

廣銳總四十四太原代并各三分五嵐石奇嵐各二晉

路慈絳澤隰憲寧化威勝平定火山各一涇原廊

各二秦渭環邠寧各一元豐二年忻嵐州各一闕勿補

三年涇州二以下一補上一闕五年置蘭州二中興二

十雲翼分左右廂左三十四右二十二總五十六真定

雄瀛深趙永寧各三定冀各六保五滄北平永

靜順安保定二莫邢霸各一廣信安肅各四熙寧五年

併滄州二為一冀州六為三真定府三為一趙州三為

二定州六為四順安軍二為一永安軍三為二北平軍
二須其闕併為一安肅軍第一分隸第三深州三為二

保州一分隸他軍十年莫州第十三分隸驍捷真定府
第八分隸驍武定州四須其闕併為三安肅軍三須其

闕併為二廣信軍四併為三元祐有馬勁勇
元年桂州二仍不廢中興三十三代嵐各一

磁三熙寧五年磁驍捷五瀛三莫二廳子
三併為一中興五熙寧六年廢熙寧五年併

相廳子五為三定廳子馬二為一六年相州廳子三并
改廳子馬十年相州廳子馬第三分隸驍武廳子馬中

興驍駿一太原熙無敵六定北平各二安肅廣信各一
四驍駿寧六年廢熙寧五年北平二須人少併為

一撥隸雲翼三廣忠銳一廣信熙威邊二定保各一
信軍一撥隸雲翼忠銳寧五年廢熙寧五年廢

勝二飛騎二威遠二克戎二清塞一延安熙武清一晉
路麟府并寧五年廢熙寧

六年 廢 萬捷 七相冀趙各二滄一熙寧五年冀二併為雲

捷 十二尉氏咸平西北 橫塞 七雍丘咸平考城襄有

馬安塞 一熙寧 五年廢 蕃落 八十三環五延慶各四秦併外砦

外砦七鎮戎併外砦十二鳳翔涇併外砦儀保安各二

隴一熙寧三年併外砦九為七八月涇原路以新砦所

減蕃落隸在州蕃落定額以三萬二千八五年隴州添

置招馬軍蕃落一九年併陝西土蕃落渭州八為六原

州秦州各五為四元豐四年環州下蕃落未排定指揮

並為禁軍五年六月葭蘆砦主乞置一紹聖四年詔陝

路增置馬軍十各五百人為額於永興河中鳳翔同華

各置二元符元年詔涇原路新築西安州置馬軍一天

都臨羌砦各置馬軍一六月詔永興軍等路創置十指

揮二年定邊城增置馬軍二烏龍川北嶺新砦各置馬

軍一崇寧五年新築安邊城置馬軍一

并州騎射

第一熙寧六年太原騎射第一改克戎元豐七年

成都府置馬軍騎

有馬雄畧

三廣挂邕各一熙寧三年廣挂邕有馬雄畧闕勿補

射一中興後無

十年以邕州住營兩指揮闕額移桂州依舊置紹聖元年沅州增置有馬一元符元年正月詔荆湖南路江南東

路各增置有

宗捷

崇寧三年詔於京東京西河北河東馬一中興二

開封府界創置馬步軍五萬人計一

百七指揮馬軍三十五步軍七十二合三萬六千人馬軍以崇捷崇銳為名步軍以崇武崇威為名崇銳

崇寧三年見上以

清澗騎射

二員僚刺員直

以罪謫降者充立

前軍右軍中軍左軍後軍

以上七軍並

步軍

神衛

并水軍總三十一京師熙寧二年併三十一為三十三年廢水軍元豐二年廢第九

第十南京第一改雄武弩手中興四十六虎翼

九十六京師九十併水軍一襄邑東明軍各一長葛二熙

寧二年除水軍一外併九十五為六十六年廢上虎翼元豐四年詔改差殿前虎翼右一四指揮為李憲親兵

奉節

并上奉節五京師熙寧二年殿上奉節九月上奉節兩指揮隸虎翼六年十月廢奉節

步武

六武衛

七十一南京真定定淄各四北京澶相邢懷趙棣名德邪道利乾廣濟各一青五鄆徐克曹濮

沂濟單萊維登淮陽瀛博各二齊密滄各三熙寧四年帝諭文彥博等京東武衛軍素號精勇得力不減陝西

兵彥博曰京東之人沈鷺精悍亦其性也五年併滄三為二真定府各四各為三趙州振武各一共為一六年

詔岷州置一元豐三雄武

并雄武弩手床子弩雄武揀中雄武飛山雄武揀中歸明

年河州武衛二為一雄武并雄武弩手床子弩雄武揀雄武總三十四京十三太原尉氏南京鄭汝寧陵各二咸平東明雍丘襄邑潁昌曹廣濟穀熟長葛各一熙寧

五年廢揀中雄武閏七月併床子弩雄武飛虎三陳山各五為二六年廢雄武中興後加平海字留二

咸平一熙神銳二十六太原六潞晉各三澤汾隰平定寧三年廢各二代絳沂遼邢威勝各一元豐二年

潞州三振武八十一北京澶相衛霸莫祁棣趙濱洺保閔勿補安永寧通利安肅儀各一真定瀛保恩邢

深博永寧乾寧慶涇各二延六邠隴各七鄜寧各五磁四滄原各三熙寧五年瀛州二為一滄州三為二真定

府二為一邢州二以一分隸武衛神銳鎮武磁州四為三元豐三年鄜州四為三邠州五以一補上四指揮闕

隴州四為三元祐七年詔復來化一寧陵熙寧七年廢新立弩手

二廣濟熙寧六年定陶縣懷勇三雍丘二陳一熙寧三年廢威寧一

昌熙寧威猛上下十襄邑四咸平頰昌長雄勝三陝冀二年廢葛各二熙寧三年宣威併入雄勝濟各一

熙寧四年分陝府雄勝隸他軍中興四

歸恩

左右二毫熙寧三年左第一併右第一六年第一改為雄

勝

澄海弩手

二登熙寧八年廣西經略司選澄海赴神桂州以新澄海為名中興加水軍事

虎

二十六永興六鳳翔河中忻隰晉勝各二太原秦延鄜華各一路三熙寧九年秦州一闕勿補保捷

一百三十五永興十二同九秦八河中邠涇各七滑寧

耀各六鳳翔延儀華隴解乾各五陝原鄜各四成三慶

鳳坊晉鎮戎各二環丹商虢階慶成德順各一熙寧五

年鳳翔府添置三六年添置一元豐三年併同州七為

六永興軍九為八五年蘭州置步軍二紹聖四年蘭州

金城關置步軍四元符元年新築西安州置步軍一天

都臨羌砦各置步軍一又詔於河北路大名府二十二

州軍共創置馬步軍步軍二十九指揮以保捷為名二

年定邊城置步軍一崇寧五年安

捉生

二延紹聖三年

邊城置步軍一中興後增置一環慶州各置一

清邊弩手

四十三太原九秦五涇四河中隴各三永寧
代路晉各二慶渭環同坊鎮戎慈丹隰汾憲

各一熙寧六年併鳳翔四為三八年吉陽併宣毅一來
隸九年併秦州四為三元豐三年以河間中清邊弩手

將兵一隸本府制勝九永興華各二鳳翔耀同乾解各
保捷清邊弩手一撥華一隸本州保捷制勝奉天

一補其縣保捷定功十永興秦慶原渭涇青澗二中興
闕中興後增一儀鄜延鎮戎各一後隸騎

軍平海二建威一秦熙寧効忠二十七陳留三太康尉
登三年廢氏襄邑河陽曹合流各

二咸平鄭亳衛潁昌單澶磁廣濟河陰寧陵白波川効
各一熙寧九年磁衛各一須人少與武衛併為一

忠七南京六寧陵一熙寧二年南京六併宣毅一百七
隸上三三年十二月南京三併為二十四隸

京東西河北河東淮南江南兩浙荆湖福建九路京東
路南京鄆徐曹齊各二青兗密濮沂單濟淄萊濰登淮

陽廣濟各一京西路西京滑潁昌河陽陳襄鄭潁蔡汝
隨信陽各一鄧二河北路真定德棣博邢祁恩磁深定
洺濱通利永靜乾寧永寧各一河東路太原汾各六晉
四澤絳石代各三路嵐忻遼威勝平定各二慈隰憲寧
化各一淮南路揚亳各二廬宿壽楚真泗蘄海舒泰濠
和光黃通無為高郵連水各一江南路江寧江洪虔吉
撫袁筠建昌南安各一兩浙路杭二越蘇明湖婺潤溫
衢常處秀各一荆湖路潭全鼎各二荆南邵衡永郴道
安鄂岳澧復峽歸辰荆門漢陽桂陽各一福建路二福
泉南劍漳汀邵武興化各一熙寧三年宿揚廬壽楚真
泗泰一併隸教閱忠節各為一蘄海舒濠和光黃通無
為高郵連水各一闕弗補十二月京東路三十三併為
十三荆湖南路道永衡各一潭二撥隸威果全二邵一
撥隸雄畧郴桂陽各一不克額荆南一撥隸威果鼎二
澧岳安復鄂各一皆改教閱忠節荆門漢陽歸峽各一
不克額江南東路江寧江南西路虔各一撥隸威果雄

畧洪吉撫建昌各一皆改教閱忠節筠袁南安各一不
充額福建路福一隸威果建二併為一改威果兩浙路

杭二越蘇潤各一皆改威果湖婺溫衢常處秀各一不

充額熙寧五年思一乾寧永靜真定邢洺磁定祁深永

寧各一闕弗補八年吉陽軍宣毅一隸清邊弩手路復

置一九年定邢深祁磁永寧永靜乾寧各一皆効忠元

豐元年博二宣毅床子弩砲手一奇嵐熙建安二府嵐

撥隸他州軍寧三年廢各一

威果二十五荆南江寧抗揚廬潭各三洪越効順一襄

寧六年福各二虔一宣和三年嚴州增置一色熙

改雄武揀中雄勇一襄懷順一霸歸聖一雍丘熙寧順聖

一鞏中興懷恩三荆南揀中懷愛一寧陵熙勇捷左右

已後無二鄂一寧六年廢勇捷二十

六襄邑北京澶陳壽汝曹宿各二咸平西京南京毫寧

陵虹河陰鞏長葛韋城各一熙寧三年併十隸九右十

二併右二元豐二年**威武**上下總十三西京河陽鄭鄆

唐汝州各置土兵一**靜戎弩手**四河陽澶衛通利

一曹二熙寧三年廢下威**靜戎弩手**各一熙寧七年廢

武九年澶一隸効忠勇捷**靜戎弩手**各一熙寧七年廢

平塞弩手并揀中平塞新立平塞總四咸平毫河陰白

平塞弩手波各一熙寧六年廢弩手及新平揀中平塞

毫平塞弩手及白波新立平塞**忠勇**二成

咸平揀中平塞並改下威武**忠勇**都**寧遠**八戎三

雅江安各一熙寧**忠節**并川忠節教閣忠節總六十雍

六年廬州增置一**忠節**丘襄邑寧陵各三陳留咸平東

明毫河陰永城各二南京五太康陽武潁昌江寧揚廬

宿壽楚真泗泰滁岳澧池歙信太平饒宣洪虔吉臨江

興國廣濟南康廣德長葛各一合流四熙寧三年亳州

第十四併勇捷川忠節一併忠節十二月添置八五年

蔡州**神威**上下十三陳留三潁昌鞏各二雍

置一**神威**丘考城咸平河陽廣濟白波各一**歸遠**十六

歸遠陳潁

昌毫壽宿鄧襄鼎各一荆南澧

潭洪各二元豐五年成州置一雄略

四鼎澧各三廣辰

桂各二許全邵各一熙寧三年衡增置一吉增置三招

百人及置部軍雄略一崇寧三年荆湖南路置四

收十七保四霸信安各三定軍城砦各二廣信安肅順

安各一熙寧五年霸信安各二併為一定二為一安

肅一保二分隸振武招收八年壯勇

忻以保甲替罷揀充下禁軍七耀解滑各橋道

并川橋道十八襄邑咸平陽武各二陳留東明尉氏太

康西京河陽濮鄆鞏河陰白波寧陵各一熙寧三年鄆

川橋道改橋清塞

陰十二曹二鄆鄆滑通利鞏河崇武寧

道隸順化

三年置步軍京崇威

崇威京東西河東北敢勇

元祐七年

西路諸帥府募敢勇以百人為額宣和四年詔越靖安

州招到敢勇三百人撥充兩浙提刑司捉殺差使

崇寧元年詔荆湖北路添置禁軍五
指揮以靖安為名隸侍衛步軍司
廣固崇寧三年詔添置廣固兵

四指揮以備京城工役政和五年詔於四指
揮各增置五百人入額自今更勿差客軍
通濟政和六年

詔增置通濟兵士三千人牽挽御前
綱運自崇武至此六軍中興後無
清衛宣和七年減清衛等軍令

步軍司撥填刀牌手崇寧中立
一般軍分廣西桂州勁勇壯武靜江自勁勇以下三

軍舊隸廂軍中興
後隸侍衛步軍振華五百人為一軍
安遠奉先園四武寧威

勇忠果雄節必勝
六前軍右軍中軍左軍後軍自振華以下十

三軍並
中興後立
御前忠佐將校並與建隆以來制同
散員

一班馬直
一指揮
步直指揮一熙寧四年馬步二直並廢撥隸殿前步軍司虎翼其有馬者補雲

騎備軍

一千九百六十人熙寧二年罷九百六十人

皇城司親從官

指揮四政和五年創置第

親事官

指揮三元

豐五年增置一守奉景靈宮政和五年西京大內官一以五百五十人為額又增置內園司一以五百一十人

為額入內院子

五百人中興後二百人

快行長行

中興後置

司園

三人

曹司

中興置三十人

將兵者熙寧之更制也先是太祖懲藩鎮之弊分遣禁旅戍守邊城立更戍法使往來道路以習勤苦均勞逸故將不得專其兵兵不至於驕惰淳化至道以來持循

益謹雖無復難制之患而更成交錯旁午道路議者以
為徒使兵不知將將不知兵緩急恐不可恃神宗即位
乃部分諸路將兵總隸禁旅使兵知其將將練其士平
居知有訓厲而無番戍之勞有事而後遣焉庶不為無
用矣熙寧七年始詔總開封府畿京東西河北路兵分
置將副由河北始自第一將以下共十七將在河北四
路自第十八將以下共七將在府畿自第二十五將以
下共九將在京東自第三十四將以下共四將在京西

凡三十有七而鄜延環慶涇原秦鳳熙河又自列將焉
在鄜延者九在涇原者十一在環慶者八在秦鳳者五
在熙河者九凡四十有二八年又詔增置馬軍十三指
揮分為京東西兩路又募教閱忠果十指揮在京西額
各五百人其六在唐鄧其四在蔡汝元豐二年又增置
土兵勇捷兩指揮於京西額各四百人唐州方城為右
第十一汝州襄城為左第十二凡馬軍十二指揮忠果
及土軍共十二指揮四年又詔團結東南路諸軍亦如

京畿之法共十三將自淮南始東路為第一西路為第

二兩浙西路為第三東路為第四江南東路為第五西

路為第六荆湖北路為第七南路潭州為第八全邵永

州應援廣西為第九福建路為第十廣南東路為第十

一西路桂州為第十二邕州為第十三總天下為九十

二將而廊延五路又有漢蕃弓箭手亦各附諸將而分

隸焉凡諸路將各置副一人東南兵三千人以下唯置

單將凡將副皆選內殿崇班以上嘗歷戰陳親民者充

且詔監司奏舉又各以所將兵多寡置部將隊將押隊使臣各有差又置訓練官次諸將佐春秋都試擇武力士凡千人選十人皆以名聞而待旨解發其願留鄉里者勿疆遣此將兵之法也六年熙河路經畧制置李憲言本路雖有九將之名其實數目多闕緩急不給驅使又蕃漢雜為一軍嗜好言語不同部分居止悉皆不便今未出戰其害已多非李靖所謂蕃漢自為一法之意若將本路九將併為五軍各定立五軍將副及都同總

領蕃兵將使正兵合漢弓箭手自為一軍其蕃兵亦各自為一軍臨敵之際首用蕃兵繼以漢兵必有成效兼可減併將副及部隊將員於事為便詔從之元祐元年司馬光言近歲災傷盜賊頗多州郡全無武備長吏侍衛單寡禁旅盡屬將官多與州郡爭衡長吏勢力遠出其下萬一有李順王倫王均王則之寇乘間竊發攻陷郡縣豈不為朝廷憂祖宗以來諸軍少曾在營常分番出戍蓋欲使之勞筋骨知艱難輕去其家習知山川險

阻也自置將以來惟是全將起發然後與將官偕行其餘常在本營飲食嬉遊養成驕惰歲月滋久不可復用又每將下各有部隊將訓練官等一二十人而諸州又自有總管鈐轄都監監押設官重復虛破廩祿知兵者皆知其非臣愚欲乞盡罷諸路將官其禁軍各委本州長吏與總管鈐轄都監等如未置將已前使州郡平居武備有餘然後緩急可責以守死諫議大夫孫覺亦以為言於是詔陝西河東廣南將兵不出戍他路其餘河

北差近裏一將更赴河東而諸路遂將與不隸將之兵
並更互出戍稍省諸路鈐轄及都監員仍以將官兼州
都監職事卒不能盡罷將副如光等言其年八月樞密
院言近邊州軍及邊使經由道路而減本處兵官非是
於是邊州及人使經由道路將官仍不兼都監至紹聖
間樞密院言往時軍士犯法將官得專決遣故事無留
滯自州縣官預軍事以來動多牽制不得自裁欲仍依
舊法及諸軍除轉排補並隸將司州縣無得輒預其非

屯駐所在當俟將副巡歷決之餘委訓練官行焉詔從之至是州縣一無鬪預兵愈驕無復可用矣元符元年章燦又請增置涇原第十二將宣和元年詔非救護水火收捕姦細妖人而輒差將兵者坐之後三年知婺州楊應誠言諸路屯戍當隸守臣兵民之任一然後號令不二不然將驕卒橫侵漁細民氣壓州郡有不勝其憂者於是詔自今令隸守臣無何復詔曰將兵遵將官條教除前隸守臣指揮其後江浙盜起攻陷州邑東南將

兵望風逃潰無復能戰事平童貫奏言東南三將類皆
孱弱全不知戰虛費糧廩驕惰自恣平時主領占差營
私大半皆工藝遂致寇盜橫行毒流一方重費經畫今
事平之後當添將增兵鎮遏綏馭然南人怯弱素失訓
練終不堪戰今欲於內郡別置三將並隨京畿將分接
續排置使陝西軍更互戍守庶幾東南可得實戰之士
於計為便詔從之其後南渡諸屯駐大軍即舊將兵之
類而其駐劄之所則異於前矣今撫建炎以後將兵列

於屯駐大軍之次而建炎水軍亦附見焉

建炎後諸屯駐大軍彊武鋒精銳敢勇鎮淮彊勇雄勝
武定江都振武泰熙振武忠勇遊弈淮陰前軍副司左
右軍移戍左軍淮東滁州雄勝安淮青平小雄邊淮東
泰州鎮江左軍淮西廬州彊勇前軍彊勇右軍武定遊
弈忠義雄邊全年淮西濠州武定選鋒軍武定後軍使
効威勝遊擊義士諸軍定遠武定淮西安豐軍武定前
軍武定右軍防城戍軍四色軍淮西無為軍巢縣池司

右軍淮西黃州雄關飛虎軍臨安府屯駐諸軍雄節威
果全捷龍騎歸遠金州駐劄都統司兵成都路安撫副

司駐劄兵四川大制司帳前飛捷軍利州節制司諸軍

金州忠義軍閬州節制司諸軍潼川府制帳踏白軍隆

慶屯駐遊弈軍潼川安撫司忠定軍夔州節制司軍興

元節制軍事利州都統司兵四川制司帳前信義兩軍

興元都統司屯駐合州軍沔州乾道三年泆江水軍建炎

置明州水軍紹興置乾道元年二千分左右兩將 福州荻蘆延祥砦紹興

置百五十人乾道七年添招凡五千人

鎮江駐劄御前水軍

乾道三年招三百人淳熙

五年增招千五百人

沿海水軍

乾道六年置一千人

潮州水軍

乾道四年置二百人江

陰水軍

乾道四年置三百人

廣東水軍

乾道五年增至二十人

平江許浦水

軍

乾道七年七千人淳熙五年增五百人

江州水軍

淳熙三年招一千人

池州都統

司水軍

淳熙元年千人嘉定中增至三千人

漳州水軍

紹興元年漳泉共六百人

泉州

水軍

見上

殿前澈浦水軍

開禧元年一千五百人

鄂州都統司水軍

開禧十五年

太平州采石駐劄御前水軍

嘉定十四年五千人

建康都

統司靖安水軍

元隸都統司嘉定中隸御前

馬軍行司唐灣水軍

元隸

馬軍行司嘉
定中隸御前
通州水軍

乾道五年置

池州清溪鴈汊控海水

軍

建炎四年置
百五十人

兩淮水軍

紹興元年置
年詔諸州
斷配海賊
刺隸元

宋史卷一百八十八

宋史卷一百八十八考證

兵志二廣勇注東門太康城○

臣開鼎

按前卷廣勇注

東門作東明太康城作太原胙城

虎翼注襄邑東明軍各一○

臣開鼎

按前卷虎翼注作

襄邑東明軍各一此軍字似誤

武衛注北京澶相邢懷趙棣洺德邢道利乾廣濟各一

○前卷邢道利作邢通利



宋史卷一百八十八考證



總校官庶吉士 臣 張能照

校對官庶吉士 臣 戴心亨

膳錄監生 臣 徐大豐